

大典藥

大典藥

陝

纂修官吳發出第六十五卷
五五七
卷內

元一後五十二卷

共書重種計 拾叁 條

乾隆三十八年 月 日發寫 謄錄

大典

永樂大典

永樂大典卷之八千五百六

十九庚

永樂大典

寧

南寧府

領縣三 宣化 武緣 橫縣

府縣圖

建置沿革

至到

城郭

風俗形勢

永樂大典

戶賦稅 土產土貢

山川

宮室祠廟 寺觀

壇壝

官制

公署

兵防

古蹟

名宦

人物

仙釋

紀瑞

雜記


文章

永樂大典

永樂大典

南

寧永
樂典




永樂

府

圖

永大



卷八十五百六

左

右

二


建

武
永
典
樂

建武軍圖

東

北



永
典
樂

軍

圖

永樂大典

巡檢司

至路院

總務院

水院

縣尉門

西樞院

安亭

宣化縣

卷十五百六

鳥廟

奇椿庫

總制司

月堂

茶廳

安堂

省馬院

樓西

甲大策

軍器庫

軍馬庫

公使庫

院

監庫

寬社亭

宣

監行處

司理處

司理處

司理處

司理處

司理處

司理處

司理處

司理處

司理處

司理處

司理處

司理處

司理處

司理處

司理處

司理處

司理處

司理處

藏書處

西市

院院院

西

南岳廟

大江流

西

樓樓

門南

永樂大典

右

江永大典

右江圖

邕州

王龍洞

忠州

上思州

花村鋪

羅高洞

卓洞


水

黃遠縣

遷隘鎮

思明州

迷洞



思陵州

朱砂洞

下右西州

上右西州

馱才鋪

永平寨

知遠縣

祿州

古萬寨

外及榜村

共陽隘

祿羅隘

南

江永大典

之

圖

永樂大典

卷八十五百六



橫山寨

右江洞

儂洞

安平州

門州

外界廣源州

七源州

武盈洞

區

挑攔縣

州獨

張降隘

琬村

脫村

太平寨

馮祥洞

外界社村

外界休縣

典村

霸双康村

張絳村

賴村隘

上下粟村

三泉置縣

外界諒村

外界寄即寨

永樂大典

四 土村隘

右

江永
樂典

7f

右江圖

歸仁州

唐興州

上林縣
功饒州
焚鳳州
橫山寨

東

水寧縣

谷洞

歸德州

思幼洞

西幼洞

東零縣

古鄧縣

安木州

安定州

七源州

細縣

潞城州


南

永樂
大典

之

圖

永樂大典



臣

永樂大典

安

南樂大典

安南國圖

霸雙康村

永平寨

祿州

寄律寨

欽州

丙乙縣

溪山縣

西縣

大通縣

門州

思恩州

思迎寨

子

南

永樂大典

...

...

...

永樂大典

圖

國

山獠洞

雲革州

呀陽州

呀陽縣

雲河州

安南舊用
殿屋花州

星花州

安機縣

大上寨

赤土山

占藤園

卷一百一十六

大后

山



西門

永樂大典

宣

化
樂
典

東

永樂
大典

鼎公堤

繁陰亭

亭蓋權


報恩寺後

延桂堂

泛槎亭

後衙行

貞院



縣

圖

永樂大典

五花州

梯雲閣


厨傳

通判廳

卷五百九十四

愛蓮亭

大南
樂典



橫

州

典

清湖橋



從化鄉



坊水鋪

小羅金鋪

坊水橋

大羅金鋪

刺桐鋪

眾首鋪

古文渡

聖池

古鉢崩

寺管嶺

登高嶺

龍池廟

無祀壇

縣門鋪

稅課司

城隍廟

山川壇



灰波廟

古文渡

烏蠻驛

清江口

清江口



按察司

縣學

盤詰所

東洋渡

社稷壇

縣門驛

縣學



大松山

探路山



雙石山



川石山

武流江

思恩里

古練鋪

南寶華山

南鄉



靈山縣



六谷嶺

峽口嶺

瑞峯里

六蒼嶺


靈山縣

永樂 大典

永樂大典

圖

之



永樂大典

建置沿革

大明清類天文分野之書古粵地禹貢揚州之南境翼軫之分

秦并南

粵為桂林縣地漢元鼎六年更為鬱林郡嶺方縣屬焉為都尉治所東漢

因之晉大興元年分置晉興郡復又置晉興縣以屬之宋齊並因之隋罷

晉興郡為晉興縣屬簡州又罷晉興縣於此更置晉興縣開皇十八年改

晉興縣為宣化縣屬鬱林郡唐武德四年於此置南晉州初領宣化一縣

五年析置武緣晉興朗寧橫山四縣貞觀八年改為邕州天寶元年改永

寧郡乾元元年復為邕州咸通三年置建武節度五代劉隱據其地宋開

寶四年更晉興為樂昌六年省朗陵入宣化封陵入武緣思龍入如和景

雲三年又省樂昌入武緣如和入宣化元初立安撫司至元十六年改為

邕州路

國朝為南寧府屬廣西布政司南寧府志唐武德四年立為南晉州貞觀六

年改為邕州都督府天寶元年改為永寧郡乾元元年復為邕州乾寧元

年改為建武軍元朝改為南寧路至元十年而有征交之役欽承特旨立

為廣西西道宣慰司分闡于邕又至元二十九年改立左右兩江道宣慰

使司都元帥府

大典

永樂

國朝改路為府。至洪武二年改分司。帥府為南寧衛指揮司。原管宣化武緣二縣。洪武十年八月添撥潯州府。橫州收併。永淳縣通作橫縣。撥付本府

管屬。今見管三縣。宣化武緣橫縣。南寧府郡志序。南寧一郡。乃古之邕州。僻在遐陬。接連溪洞。地土淺狹。人民稀少。凡戶口之多寡賦稅之重輕。比

之中國。大不侔矣。洪武九年夏四月。憲司委官到來。起取前代應有圖經誌書。本府當時會集耆儒。將本學舊存書板一付考究。中間多有損壞缺

略不存。於本處任人程士真家。尋得舊有誌書一部。比對刊補完備。起解。今洪武十年冬。又奉上司公文。會集所屬耆儒人等。用心考究。不曾該載

事理。重別另行編類。書寫成冊。考之物產。多在兩江本境所出之物。在處有之。今以所屬三縣。地理遠近。風土人物。戶口錢糧。土產物色。總為一冊編

類成篇。表而出之。使後人有所考云。太平寰宇記邕州朗寧郡。今理宣化縣。古南越地。秦為桂林郡地。漢改桂林為鬱林郡。又為鬱林之嶺方縣地。

晉置晉興郡。隋開皇初廢郡為宣化縣。屬簡州。大業三年。州廢。以縣屬鬱林郡。唐武德四年。於此置南晉州。領宣化一縣。貞觀六年。改為邕州。近邕

永

溪。因名。乾封二年。置都督府。天寶元年。改為朗寧郡。乾元元年。復為邕州。

長慶二年。以安南經略副使崔結為刺史。充本州經略等使。自此邕州獨

置經略使。其州邊在鬱江。百姓先居一岸。每年秋夏江水泛溢。郭邑沉溺。景雲年中。司馬呂仁於南岸引開小水。若有泛溢。分流而過。不沒人家。今百姓兩岸分居。晉天福七年。改爲誠州。以避廟諱。漢初復舊。宋朝平廣南後。開寶五年。廢朗寧封陵思籠三縣。入宣化。武緣如和三縣。至太平興國二年。邕州上言。管內左江谿峒七源。州狀稱廣源武勒南源西農萬涯覆和溫弄等州。古拂八峒二峒。計一十處。首領乞依七源州例歸屬當州。輸納租稅。朝廷因授首領官。今爲建武軍節度。郡縣志。唐天寶元年。改爲永寧郡。十四載。置管內經略使。領十三州。乾元元年。復爲邕州。兼都防禦使。二年。陞節度使。上元元年。廢節度。置都防禦。經略使。廣德廢。大曆復置。元和廢。長慶復置。咸通三年。陞爲嶺南西道節度使。尋置建武軍節度。晉天福七年。改爲誠州。漢初復名邕州。宋因之。尋領羈縻州四十四。重修邕州志。州在禹貢九州之外。蓋揚州之南。號爲百粵。秦始皇略定其地。分爲南海桂林象郡。漢元鼎五年。粵相呂嘉反。六年。討平之。以其地爲南海蒼梧鬱林合浦交趾九真日南珠崖儋耳郡。唐庚所謂山川禹貢外。城郭漢兵餘是也。自秦迄漢。州未之建。晉元帝分鬱林郡嶺方縣地。立爲晉興郡。乃今之州矣。至隋而郡廢。以其地入簡州。今之橫州。開皇十八年。改爲宣化

大永

鬱林

縣隸寧浦郡。亦今之橫州。至唐武德四年立為南晉州。貞觀六年改為邕
 州都督府。永徽後以廣桂容邕安南五府皆隸于廣。謂之五府節度。韓文
 公送工部尚書鄭權帥南海。其序曰。嶺之南其州七十。其二隸嶺南節度
 府。其四十餘分四府。府各置帥。天寶元年改為永寧郡。乾元元年復為邕
 州。上元後置經略使。後罷。長慶二年復置刺史領之。咸通四年分嶺南為
 東西道。廣州為東道。邕州為西道。乾寧元年陞為建武軍節度。嶺南西道
 觀察使。五代時。劉隱據其地。宋朝開寶四年平廣。遂入職方馬。隸廣南西
 路。充兵馬鈐轄。安撫都監。兼公邊溪洞都巡檢使。紹興三年如命置司市
 馬于州之橫山寨。後置以本路經略安撫總其事。州同提點買馬。專任以
 武臣。隆興以來始命文武通差。此州建置之大略也。元一統志初宋平嶺
 南。以邕州守臣充兵馬鈐轄安撫都監。兼沿邊溪洞都巡檢使。寶祐元年
 兼邕宜欽融鎮撫使。至元十三年十二月既克靜江府。諸州皆下。邕守馬
 成旺始挈城歸附。初立安撫司。十六年改為總管府。兼左右兩江溪洞鎮
 撫。今親領縣二。兼管寨五。今領州三十八。縣一十八。洞二十六。邕州遷

永樂

龍寨

忠州

思恩州

上思州

羅陽縣

永康縣

羅百縣

水口

洞王龍洞

二洞並係熱地。地接交趾。亦所貢越地千里之內。號為羈縻。歸

附以來。見於左江鎮駐劄隸邕州路節制。今領州三。縣三。洞二。古萬寨。左州。江州。武黎縣。陔陵縣。崇善縣。吳洞。永安洞。坡陵洞。

博龍洞。粟洞。古樂洞。古攬。思婪洞。還婪洞。卓洞。博唱

洞。上浪洞。安禮洞。與遷龍寨相同。宋景祐四年立寨歸以來。見於

思隸團沿居地面駐劄。隸邕州路節制。今領州二。縣三。洞一十三。太平

寨。龍州。上凍州。下凍州。萬城州。七源州。恩城州。龍英州。

養利州。上懷恩州。上思明州。下思明州。安平州。即太平府。

古甌洞。武德洞。武安洞。皮陵洞。武盈洞。羅徇洞。上聳洞。

下聳洞。與遷龍寨相同。宋太平興國立寨歸附以來。見於古甌等洞地

面駐劄。隸邕州路節制。今領州一十三。洞八。永平寨。上石西州。下石

西州。固陵州。祿州。如整縣。武乙洞。寧康洞。憑洞。西平洞

上寧洞。安寶洞。上影洞。下影洞。都結洞。結安洞。舊洞。

倘甲洞。結綸洞。思粟洞。武能洞。勞洞。武允洞。射鰲洞。洗

甲洞。都康洞。榜免洞。尊洞。與橫山遷龍等寨相同。宋景祐四年

立寨歸附以來。見於西平州駐劄。隸邕州。節制。今領州四。縣一。洞二十

二。

永樂

大

甲

宣化縣大明清類天文分野之書秦為桂林郡地漢嶺方縣地屬鬱林郡
 晉立晉興郡置興熙鎮隋開皇十四年遷故晉興縣於此唐武德四年改
 為南晉州併六縣為宣化一縣五年析置武緣晉興朗寧橫山四縣尋省
 橫山入焉貞觀八年改南晉為邕州乾元元年以本縣思龍鄉如洪里置
 思龍封陵二縣宋開寶五年罷朗寧屬宣化景祐三年又罷如和入宣化
 治平四年割本縣之永寧鄉武顯里屬武緣元屬邕州路

國朝為南寧府倚郭縣南寧府志唐武德四年至宋治平四年將永寧鄉武
 顯里隸武緣縣轉撥武緣上東下南二鄉隸于縣元朝不曾更改

國朝本縣仍舊見管五隅九鄉二里興地廣記宣化縣本漢嶺方縣地故朗

寧縣唐武德五年析宣化置故思龍縣唐乾元後開山洞置二縣開寶五
 年省入故如和縣唐武德五年析南賓安京置屬欽州景龍二年來屬宋

景祐二年省入有如和山鬱水水即夜郎豚水也與溫水合又與歡水合
 亦名駱越水自蠻境七源州流出州民常苦之唐景雲中司馬呂仁引渠

永

分流以殺水勢自是無漂溺之害民乃夾水而居有邕水
 武緣縣大明清類天文分野之書漢為嶺方縣地梁置嶺山郡隋開皇十

一年於此置武緣縣又改嶺山郡為縣大業元年併武緣入嶺山屬鬱林

郡。唐武德五年。析宣化復置武緣縣。屬南晉州。後屬邕州。宋開寶五年。改晉興縣名昌樂。景祐三年。罷昌樂入武緣。元遷西鄉立為縣治。屬邕州路。

國朝屬南寧府。南寧府志。唐武德五年置。宋開寶八年廢。永寧縣併入宣化。

縣。景祐三年。又廢樂昌縣併入本縣。至治平四年。撥本縣上東下南二鄉。

隸宣化縣。復以宣化縣永寧鄉武顯里。及賓州上林縣止戈鄉。撥隸本縣。

本朝洪武四年。廣西省。又撥慶遠府宜山縣管下。述昆鄉大小安定里。隸本

縣。今見管五鄉一十二里。輿地廣記。武緣縣。隋屬鬱林郡。大業初。省入嶺

山。唐武德五年。復置。故豐陵縣。唐乾元後。開山洞置。宋開寶五年。省入故

樂昌縣。本晉興。唐武德五年。析宣化置。開寶五年。更名。景祐三年。省入武

緣。水西有都稜鎮。元一統志。宋會要云。武緣縣距州凡兩程。又昌樂縣舊

名晉興。開寶五年。改名昌樂。景祐三年。廢昌樂入武緣。又開寶五年。廢封

陵。武緣治平四年。割本縣上東下南隸宣化。却以宣化之永寧鄉武顯

里。及賓州山林縣止戈鄉。隸于本縣歸附。元遷西鄉立為縣治。

橫州舊路領縣二。親領縣一。永淳。

大明清類天文分野之書古粵地翼軫之分。漢置合浦郡。永安三年。分

合浦郡立合浦北部。晉太康七年。改合浦。屬國都尉。立寧浦郡。宋齊並因

之。梁分立簡陽郡。隋罷寧浦簡陽二縣。仍為寧浦縣。置簡州。開皇十八年改為絳州。大業十三年。州罷為寧浦縣。屬鬱林郡。唐武德四年。以鬱林郡之寧浦樂山二縣。置簡州。貞觀十八年。改曰橫州。天寶元年。改寧浦郡。乾元元年。復為橫州。五代屬南漢。宋開寶五年。併樂山從化二縣入寧浦縣。崇寧四年。又改永定為永淳。來屬焉。元初立安撫司。至元十六年。改為橫州。路領二縣。

本朝為橫州。屬南寧府。橫州志。橫古南粵。秦屬桂林。漢鬱林郡。廣鬱縣地也。獻帝建安二十三年。吳析鬱林立寧浦郡。晉地理志。統縣五。寧浦連道。吳安昌平平山。屬廣州。宋領縣六。簡陽興道。寧浦。吳安平山。安廣。梁分置簡陽郡。隋平陳廢二。八。簡陽興道。寧浦。始平。昌平。吳安平山。安廣。梁分置簡陽郡。隋平陳廢二。郡。為寧浦。尋置簡州。開皇間。改為絳州。大業二年。州廢。以其地屬鬱林郡。唐武德四年。平蕭銑。以鬱林郡之寧浦樂山縣。復置簡州。析置蒙澤淳風。縣。隸南尹州總管府。五年。以南尹州之嶺山縣來屬。六年。改為南簡州。貞觀六年。隸桂州都督府。八年。改為橫州。十二年。省蒙澤縣。後廢嶺山縣。天寶元年。改為寧浦郡。領縣三。寧浦淳風樂山。乾元元年。復為橫州。上元後。隸容管經略使。永貞元年。改淳風縣為從化。梁貞明三年。僞漢劉隱據其

永大

地。宋開寶四年嶺南平。五年併淳風從化二縣為寧浦縣。又以廢蠻州為永寧縣來屬。熙寧四年省永定。元祐三年復置崇寧。四年改永定曰永淳。元朝至元十四年立橫州安撫司。十五年改橫州路總管府。領縣二。大德年間改為橫州。

本朝洪武三年始撥隸潯州府。領縣二。曰寧浦。曰永淳。是年省寧浦縣。洪武十年七月內奉上司明文。歸併永淳縣入橫州。將本州改為橫縣。撥隸南

寧府。管七鄉五里。今復為州。仍領永淳縣一。**橫州路郡志**。橫古南粵。秦屬桂林郡。漢鬱林郡。廣鬱縣地也。獻帝建安二十三年。吳折鬱林立寧浦郡。

晉地理志。統縣五。寧浦。連道。吳安。昌平。平山。戶一千二百二十。屬廣州。宋領縣六。簡陽。興道。寧浦。吳安。平山。始平。南齊領縣八。簡陽。興道。寧浦。始平。

昌平。吳安。平山。安廣。梁分置簡陽。隋平陳。廢二郡為寧浦。尋置簡州。開皇間改為緣州。大業二年州廢。以其地屬鬱林郡。唐武德四年平蕭銑。以鬱

永樂 林郡之寧浦。樂山縣。復置簡州。析置蒙澤。淳風。隸南尹州總管府。五年以南尹州之嶺山縣來屬。六年改為南簡州。正觀六年。隸桂州都督府。八年

改為橫州。十二年省蒙澤縣。凡領戶一萬一百二十八。口一萬七千三百四。後廢嶺山縣。天寶元年改為寧浦郡。領縣三。寧浦。淳風。樂山。戶一千九

百七十八。口八千三百四十二。乾元元年復元橫州。上元後隸容管經略使。永正元年改淳風縣為從化。梁正明三年偽漢劉隱據其地。宋開寶四

年嶺南平。五年併淳風從化二縣為寧浦縣。又以廢巒州為永定縣。永定屬熙寧四年省永定。元祐三年復置。崇寧四年改永定曰永淳。領縣二。寧浦

戶五千二百一十九。主戶三千九百六十四。客戶一千二百五十五。丁一萬二千三百三十六。主丁九千五百三十。客丁二千八百單六。稅錢六百

一十四貫八百六十四文。糧一千一百三十一石一斗九升三合。夏稅兩料免役錢各一千三百七十九貫五百文。免役米一千二百二十四石九

斗一升七合。永淳戶一千六百八十一。主戶一千二百八十九。客戶二百九十二。丁四千九百七十五。主丁四千六百九十三。客丁二百八十二。稅

錢四百二十貫七百六十七文。糧九百六十五石三斗四升九合。夏秋兩料免役錢各九百貫。免役米五百四十九石五斗八升零二合。宋舊法不

以民戶應當差役。只收免役錢米。元朝至元十四年立橫州安撫司。十五年改橫州路總管府。仍領縣二。輿地紀勝寧浦郡軍事。九域志古百越之

永樂

地案字記。牽牛婺女之分野。圖經趙佗王越地亦屬之。元和郡縣志漢平

南越置合浦合州。即漢合浦郡之高涼縣地。今在高州界。元和郡縣志吳

孫休分合浦郡立合浦北部以都尉領之晉志廣州前叙云吳分合浦立

合浦北部以都尉領之又宋志引吳錄云孫休永安三年分合浦立為合

浦北部都尉領平山興道寧浦三縣晉武平吳改合浦屬國都尉立寧浦

郡沈約宋志云寧浦太守晉太康地志云武帝太康七年改合浦屬國都

尉立寧浦郡晉志云吳置寧浦郡圖經序亦云吳建安二十三年吳立寧

浦郡與晉志合而沈約宋志以為晉武平吳立寧浦郡與吳錄合寧浦建

置之因有吳晉之異不同當攷宋齊因之宋志及南齊志並有寧浦郡梁

分立簡陽郡隋志寧浦郡下注云舊置寧浦郡梁分簡陽郡平陳郡廢置

簡州十八年又改為綠州大業二年州廢為寧浦郡屬鬱林郡隋平陳廢

寧浦簡陽二郡仍於寧浦縣置簡州寰宇記在開皇十年改簡州為綠州

隋志在開皇十八年煬帝初州廢為寧浦縣屬鬱林郡隋志在大業三年

唐平蕭銑以鬱林郡之寧浦樂山縣置簡州舊唐志在武德四年改南簡

州舊唐志在武德六年又改南簡州曰橫州舊唐志在貞觀八年以橫槎

為名寰宇記改寧浦郡天寶元年復為橫州乾元元年五代為南漢所有

輿地廣記又歐陽公五代史州郡年表橫州亦隸于南漢之下宋郡縣志

云在梁正明三年宋平嶺南地歸版圖九朝通略云在開寶四年併樂山

州

永樂大

大英

從化二縣入寧浦縣。又廢巒州。以武羅靈竹二縣入永定縣來屬。開寶五年。今領縣二治寧浦。元一統志至元十三年冬。征取廣西。既克靜江府。明年春。橫州遂納土馬。初立按撫司。十六年。改爲總管府。領寧浦永淳二縣。寧浦縣。大明清類天文分野之書三國。吳立昌平縣。晉武帝太康元年。更名寧浦。梁分立簡陽郡。隋於此立簡州。又改爲綠州。縣屬焉。唐初爲南簡州。後改曰橫州。皆以縣屬。宋開寶五年。罷樂山嶺山崇化三縣入此縣。仍屬橫州。元仍其舊。

本朝併入橫州。元一統志唐志云。寧浦州所治也。圖經云。吳立昌平縣。晉更

名寧浦。沈約宋志云。寧浦今晉太康地記云。本名昌平。武帝太康元年。更

名吳錄亦有此縣。則昌平縣恐是吳立也。元和郡縣志。以爲吳置寧浦縣。

寰宇記。以隋煬帝置寧浦縣。然晉太康地及吳錄。以爲吳置昌平縣。晉改

曰寧浦。非吳及隋置寧浦也。輿地廣記云。梁分立簡陽郡。隋於此立簡

州。改爲綠州。唐爲南簡州。改曰橫州。皆以縣屬焉。宋會要云。開寶五年。廢

樂山嶺山從化三縣。隸寧浦。建炎以來不改。元因之。寧浦縣總叙。寧

浦本吳置昌平縣。屬寧浦郡。晉太康元年。更曰寧浦縣。宋齊因之。梁屬簡

陽郡。隋平陳。隸簡州。開皇間。屬綠州。大業間。綠州廢。以縣屬蔚林郡。唐武

永樂

德四年為簡州治所。貞觀八年屬橫州。永正初。以寧浦樂山從化為三縣。宋開寶五年。併樂山從化入寧浦。今管樂山從化南鄉北鄉。元因之。

永淳縣 **大明清類天文分野之書**漢為桂林縣地。唐武德四年立復州。

永貞元年改為巒州。宋開寶五年罷巒州。縣屬橫州。省武羅靈竹二縣入

永定。熙寧四年。省永定入寧浦。元祐三年復置永定。崇寧四年改曰永淳。

元屬橫州路。

本朝因之。**南寧府志**永淳縣本巒州。唐地理志。巒州永定郡下本淳州。武德

四年以秦桂林郡地置。五代為偽漢劉隱所據。宋開寶四年嶺南平。廢巒

州為永定縣。屬橫州。熙寧四年。省入寧浦。元祐三年復置。崇寧四年避章

聖陵名。改永淳。管武羅脩德靈竹南里四鄉。永淳縣總叙。永淳縣本

巒州。唐地理志。巒州永定郡下本淳州。武德四年以故秦桂林郡地置。永

正元年。改名折納。輕賁戶七百七十。口三千八百三。縣三。永定武羅靈竹。

永樂

五代為劉隱所據。宋開寶四年嶺南平。廢巒州為永平縣。屬橫州。熙寧四

年省入寧浦。元祐三年復置。崇寧四年避章聖陵名。改曰永淳。管武羅脩

分野

德靈竹南里四鄉。元因之。

邕州志本府前漢天文志以牽牛婺女爲揚州及觀地理志云粵地牽牛
婺女之分壑也今之蒼梧鬱林合浦交趾九真南海日南皆粵分界九州
之揚乃十三國之粵地唐天文志亦云自廬江南涉越門訖蒼梧南海逾
嶺表自韶廣以西珠崖以東爲星紀之分韓文公送南海從事竇平序亦
曰踰甌閩而南皆百粵之地於天文其次星紀其星牽牛則星紀言其次
牛女言其星其實一也近有杜光復者爲州風士歌又以爲雲南頭楚分
尾者據漢地理志云越後爲楚所滅豈以其地嘗屬楚乎州之溪洞外與
西蜀接壤每歲有蜀客至永平寨故陶弼自邕州送唐觀外生歸洪井其
詩曰家寄滕王閣天南伴我遊山川通益部星斗近交州州之分野其大
略如此

至到

鄉縣志本府東西八百六十二里南北三百七十里東至京四千六百

里

東至賓州二百四十三里西至滿江隘五百二十里南至欽州

二百四十五里北至宜州二百九十里東南至橫州二百四十里

西南至羈縻蘇茂州三百三十五里東北至賓州三百五十二里西
北至羈縻俄州五百七十五里

永樂大典

永樂大典

東北至州界二百二十里。又六十里至賓州。

鎮鄒寨

武緣縣

北至州界一百五十里。又八十里至宜州龍水縣。

右江鎮

橫山寨

太平寨

東至州界一百二十里。又二十五里至橫州永淳縣。

崑崙關

魚步鎮

建二里。南北三百七十里。至京四千六百里。至行在六十一程。至靜江府十五程。

宣化縣

遷隆鎮

古萬寨

東南至州界一百三十里。又一百二十五里至橫州。

上八

南至州界八十里。又一百五十五里至欽州。

左江鎮

永平寨

西北至州界

橫山寨七程

又西北無里堆

皆羈縻州洞

西至州界四

百七十里又

一百七十里

至溪洞

西南至州界

永平寨九程

又西南三十

里抵外界

州境東西八百六十二里南北三百七十里至京四千六百里至行在所六十

十有一程至靜江府一十有五程東至州界一百二十里又二十五里

至橫州永淳縣西至州界四百七十里又一百七十里至溪洞南至州

界八十里又一百五十里至欽州北至州界一百五十里又一百八十

里至宜州龍水縣東南至州界一百三十里又一百一十五里至橫州

西南至州界永平寨九程又西南三十里抵外界東北至州界二百二

十二里又六十四里至賓州西北至州界橫山寨七程又西北無里地

皆羈縻州洞元一統志南寧府東北至上六千六百九十里東北至大

都五千六百九十里東至橫州永淳縣界一百二十里南至欽州安

遠縣界八十里西至左江古萬寨管下溪洞界九十里北至慶遠路

永樂

大

曲

龍水縣一百五十里。東到橫州永淳縣一百四十五里。南到欽州二百三十五里。西到左江古萬寨四百七十里。北到慶遠路龍水縣三百三十里。東南到橫州二百一十里。東北到賓州一百九十八里。西南到左江永平寨交界七百九十里。西北到右江橫山寨自祀國二千五十里。橫山寨。東北至上都七千四百八十里。東北至大都六千四百八十里。東南至本路總管府五百二十里。東至武緣縣界二百五十里。南至宣化縣界二百里。西至特磨道界那溫縣八百里。北至歸仁州三百里。東到慶遠府龍水縣城四百五十里。南到本路宣化縣四百九十里。西到特磨道九百里。北到自祀國城一千六百五十里。東南到武緣縣三百九十里。東北到大理國界善闡府一千八百里。西北到羅殿蠻國一千七百三十里。西南到左江古萬寨三百一十里。遷龍寨。東北至上都六千九百里。東北至大都五千九百里。東至本路總管府二百里。東至本路宣化縣界六十里。南至欽州靈山縣界三百四十里。西至古萬寨吳洞界一百里。北至宣化縣一百里。東到本路城一百里。南到欽州靈山縣四百里。西到左江太平寨管下上思明州四百里。北到武緣縣界一百六十里。東南

永樂
大

到欽州城四百五十里。東北到宣化縣金城寨一百八十里。西南到左江太平寨四百八十里。西北到古萬寨二百四十里。古萬寨。

東北至上都七千一百五十里。東北至大都六千一百五十里。東至本路總管府四百六十里。東至宣化縣如禾鄉左江鎮一百五十里。

南至遷龍寨界玉龍洞一百三十里。西至太平寨界龍州一百里。北至右江溪洞向武州界七百里。東到本路城四百六十里。南到遷龍

寨城一百五十里。西到交趾蘇茂州界一百五十里。北到太平府一百六十里。東南到遷龍寨二百里。東北到右江橫山寨三百一十里。

西南到太平寨管下思明州五十里。西北到太平寨一百二十里。太平寨。北至上都七千二百七十里。北至大都六千二百七十里。

東北至本路總管府五百八十里。東至古萬寨管下安禮洞一百里。南至永平寨管下思凌州界一百二十里。西至交趾排欄縣界一百里。

北至太平府一百里。東到本路城五百八十里。南到交趾界太平

永樂

柵二百里。西到交趾排欄縣二百里。北到左江古萬寨一百里。東

南到遷龍寨四百里。東北到右江橫山寨四百三十里。西南到永平寨一百五十里。西北到交趾丘溫縣一百八十里。永平寨。北至上

都七千二百九十里。北至大都六千二百九十里。東北至本路總管府七百里。東至交趾界太平柵一百里。南至交趾丘溫縣界九十里。

西至太平寨龍州界六十里。北至太平寨上思明州一百二十里。

東到交趾交源州界一百里。南到交趾丘溫縣一百二十里。西到太

平寨龍州八十里。北到古萬寨江州三百五十里。東南到交趾廣源

州二百里。東北到太平寨一百五十里。西南到交趾國城七百五十

里。西北到太平寨一百里。

宣化縣南寧府志東至潯州府貴縣界首管村庄三百零四里。自界首到

潯州府三百里。共計六百零四里。南至廣東欽州界團楊村四十里。自

界首到欽縣二百二十里。共計二百六十里。西至太平府羅陽縣界高

嶺六十里。自界首到太平府四百四十里。共計五百里。北至慶遠府宜

山縣楊村二百三十里。自界首到慶遠府三百里。共計五百三十里。東

北到柳州府賓州界首鋪一百二十里。自界首到柳州府四百里。共計五

百二十里。東南到廣東欽州靈山縣界那旺村五十里。自界首到靈山

縣二百三十里。共計二百八十里。西北到田州府歸德州界首武仕鋪

一百七十里。自界首到田州府三百里。共計四百七十里。西南到思明府上思

永樂

大

州界那蒙嶺一百五十里。自界首到上思州一百五十里。共計三百里。東北至上都六千六百九十里。東北至大都五千六百九十里。東至橫州永淳縣界一百二十里。西至左江古萬寨管下溪洞界九十里。南至欽州安遠縣界八十里。北至武緣縣界二十五里。東到橫州永淳縣二百四十五里。南到欽州安遠縣二百三十五里。西到左江遷龍寨一百五十里。北到武緣縣一百里。東南到橫州寧浦縣二百一十里。東北到賓州領方縣一百九十八里。西南到永平寨七百六十里。西北到右江橫山寨四百九十里。

武緣縣南寧府志上至右江田州府強山縣三百二十里。下至南寧府

宣化縣一百里。東至柳州府賓州思籠鋪一百一十里。南至宣化縣

高峯嶺五十里。西至右江田州府強山縣武士小江二百七十里。北

至慶遠府宜山縣楊村三百里。東到柳州府賓州二百里。南到南寧

府宣化縣一百里。西到田州府強山縣二百八十里。北到慶遠府宜

山縣五百七十里。東南到南寧府長山驛一百里。西南到南寧府宣

化縣那龍寨一百二十里。東北到柳州府賓州上林縣羅降鎮一百四

十里。西北到田州府武籠峒二百里。元一統志東北至上都七千六十

永大

里。東北至大都六千六十里。東南至本路總管府一百里。東至賓州上林縣界一百里。南至宣化縣界七十里。西至右江橫山寨溪洞歸德州一百四十里。北至慶遠路龍水縣一百里。東到賓州上林縣一百七十里。南到宣化縣三百里。西到宣化縣那樓寨一百五十里。

北到慶路龍水縣一百五十里。東南到宣化縣金城寨一百二十里。東北到慶遠路二百三十里。西南到左江古萬山寨三百九十里。

橫州橫州志東至貴州界首村六十里。自界首村到貴州一百八十里。共一百八十里。南至欽州立石村界一百二十五里。自立石村到欽州五十五里。共一百八十里。西至永淳縣梁鷄村界一百里。自梁鷄村到永淳縣二十五里。共一百二十五里。北至賓州學田村界一百二十五里。

自學田村到賓州二十五里。共一百五十里。東南到貴州界首村界六十里。自界首村到貴州一十二里。共七十二里。東北到賓州解塘李村

永樂

界六十里。自解塘李村到賓州四十里。共一百里。西北到南寧府那晃村到南寧府五十里。共一百二十里。西南到欽州立石村界一百二十

五里。自立村到欽州五十五里。共一百八十里。元一統志北至上都五千四百六十一里。北至大都四千四百六十一里。東至貴州界八十里。

西至邕州路界一百八十里。南至欽州路界六十里。北至賓州路界一百四十里。東到貴州一百三十五里。西到邕州路二百二十里。

南到欽州路二百四十里。北到賓州路一百九十七里。東南到欽州路二百九十里。東北到貴州一百四十里。西南到邕州路二百七

十里。西北到邕州路二百一十里。

寧浦縣橫州郡志東西各一百里。南北各九十五里。東至貴州界首

五十里。西至永淳界五十里。南至欽州界首五十里。北至永淳界

四十五里。元一統志北至上都五千四百六十一里。北至大都四千四

百六十一里。東至鬱林縣界八十里。西至永淳縣界五十里。南至

靈山縣界六十里。北至嶺方縣界一百四十七里。東到鬱林縣界一

百三十五里。西到永淳縣界一百二十里。南到靈山縣一百八十里。

北到嶺方縣二百四十里。東北到鬱林縣一百四十里。西北到嶺

方縣二百四十里。東南到宣化縣二百七十里。西南到靈山縣一百

九十里。

永淳縣

永淳縣橫州至東至橫州蘇光蒙村界二十五里。到橫州通計七十五里。

南至欽州界臨枝村一百二十里。到欽州通計三百三十里。西至南

寧府界那晃村三十里。到南寧府通計一百九十五里。北至賓州界學田村一百二十里。到賓州六十里。東南到橫州界蘇光蒙村二十五里。到橫州七十五里。東北到賓州界學田村一百二十里。到賓州六十里。西北到南寧府界那晃村三十里。到南寧府一百九十五里。西南到欽州界臨枝村一百二十里。到欽州計三百三十里。元一統志北至上都五千五百八十一里。北至大都四千五百八十一里。東北至本路一百二十里。東至寧浦縣界一百二十里。西至宣化縣界五十里。南至靈山縣界八十里。北至嶺方縣界一百里。東到寧浦縣一百五十里。西到宣化縣一百五十里。南到靈山縣一百五十里。北到嶺方縣一百三十里。東南到寧浦縣一百三十里。東北到嶺方縣一百五十里。西南到靈山縣一百七十里。西北到宣化縣一百六十里。

永樂大典

永樂大典卷之八千五百六

永樂大典

永樂大典

永樂大典卷之八千五百七

十九庚

寧

南寧府二

城郭

本府南寧府志宋朝元豐三年修築大城六年而備元豐八年修築城東

羅城元朝於舊基上以土築為城牆凡有崩壞止是補築。

本朝重修城垣一新週圍一千零五丈各門月城池週圍丈數不等。城門

五座。鎮江門至長塞門長八十二丈七尺。安塞門至新東門長三百

一十一丈五尺五寸。月城池一十九丈。新東門至朝京門一百九十七

丈五尺五寸。月城池週圍二十丈。朝京門至鎮邊門長三百零二丈四尺

五寸。月城池週圍二十七丈。鎮邊門至鎮江門長一百一十丈七尺五

寸。月城池週圍一十九丈。南北城壕二處。建武志據舊志羅城元周一千

丈高一丈五尺。上廣一丈三尺。下廣二丈。環遶二壕。並廣一丈五尺。深一

丈。唐開元二年司馬呂仁築。蓋州古城。在今之城南二里。其故址僅存。社

稷在焉。今城之築。自皇祐間。經兵火。碑刻不存。遂無稽考。耆老相傳經營

永樂大典

大曲

大曲

之初。隨築隨壞。董役者苦之。夜夢有蛇環地而行。若示其址。遂誌所夢。即其地而築焉。立青龍烏龍廟于城隅。至今祀之。即所夢之神也。元豐三年。得旨修築。六年而城備。周二千五百二十步。高三丈五尺。下廣六丈。上廣二丈六尺。環之以屋。三面爲壕。而西因長江焉。于城在其內。其制惟稱城備之。明年太守西上。閣門使和公斌以甘泉隔於城外。兵民爲夙夜之阻。遂上其事。展城以便汲者。週圍四百一十有六步。高二丈五尺。上廣一丈九尺。而基倍之。復作兩門城於外。各長一十有五步。其高如新城之制。總周九里三十步。城門之舊。曰朝天。曰望京。曰長泰。曰鎮遠。曰安塞。曰威濟。與長橋門而七。長橋在城之東北隅。於八卦爲艮。陰陽家以艮爲鬼戶。由是戶則有咎證。且其門與朝天望京密邇。視二門爲僻。左既非市廛通衢。與梁久廢。門爲之不開者多。歷年閭人不設。守禦無尸。其責難以戒不虞。司城官屢以爲言。此得旨修城。遂築其門。與合門之外。有小甕城。瞰叢生荆棘。併徹去之。以墮其外。今爲門惟陸。自城之築。經始者以其土性緩散。從而屋之。歲月既深。材蠹壞圻。連楹越雉。十隳其七八。舊植之存者。皆朽株危立。草莽殆生于隍。而甘泉之小城。尤甚。木存拱於墜壁者。狐兔之跡相尋。公私俱病之。分守者以之財用憚於大役。歷十餘政。皆未遑也。安撫

永大

任分兩持使者節。屈臨是邦。下車未幾。慨然興嘆。以是爲邊藩二廣四十餘州。所以爲安。其爲阻固。不可以不謹。乃戒司城約所費。言于帥府。經略使司業劉公以聞于朝。有旨賜緡錢一萬。併修軍器。遂命陶人埏埴于三廟。掌灰鍛石于可廬。攻木之工。凡一百八十有三。版築之功。凡九百十有四。雜以壯城之卒。甃城之摧毀者。凡一十有六所。計三百三十有一丈。治女頭。凡二千二百六十有三。爲新屋一千五百有一間。外圍樓四。敵樓馬面三十有六。甲仗庫一。備城庫二。城門之樓重建者四。曰譙門。曰安塞。曰望京。加葺者三。曰鎮遠。曰威濟。曰長泰。鳩工於六年十月之吉。迨七年盡正月而告成。本州城自元豐修築。三面爲壕。而西因長江舊矣。厥後以年深頽圯。自任安撫任內。復修築。一仍元豐制。乃損女頭城面之磚。以增修其城身。遂易以土塹爲之。故屋之以庇風雨。歲月既深。材蠹楹朽多。屢焉會朝廷以西南幹腹爲憂。謀師當一面。閣使王舍人雄實自宜易鎮于邕。公山陽人也。有大勲勞于江淮。素諳備禦事。環視惻然。曰。西廣所恃以爲藩籬者邕耳。而城圯塹堙。且不合古制。以矮屋覆于上。緩急孰與禦。遂亟申臺聞。及樞密行府。量事期。計丈尺。具畚鍤市木於北山。鍛灰於可廬。造塼於馬務三廟。及東北諸徭。率土丁戍軍壯。城之卒咸執斯役。盡撤

永
大曲

用磚灰就城身鼎砌。女頭環布團敵馬面樓。一如淮襄之城制。總創團樓四座。馬面樓三十六座。甕城樓五十四間。敵樓二座。幫砌城之額圮者十餘所。覆砌城面二千一百九十步。女牆雀臺稱是。重甃城門兩座。東門外倚壕施釣橋。鄉老云。正合武襄公之故址。環城又築羊馬牆。以為捍敵之防。又築南壕。壘三十五丈。浚東城壕五百餘丈。溝深壘固。穩若敵國。有來自特磨者。陸南詔以西。諸蕃皆有相戒不可犯之語。一時盛觀。誠邕筦振古之所未見。是役也。樞密大使陳鞞撥十七界。會七萬貫。帥漕工侍董公。槐撥經司錢五千貫。運司錢五千貫。運司錢萬貫。提刑楊奩權漕日撥。益二百籬。又撥錢一千貫。用猶不給。公復搏節一切浮貫。銖積寸累。以濟支遣。總用磚五百萬。有奇。灰一百萬。木三萬株。竹二萬竿。鐵三萬觔。工費二萬三千緡。鳩工於淳祐八年夏五月。越明年六月告成。坊南寧府志

武勝坊。在衛門之南。肅清坊。在按察司之東南。仁和坊。在府門之西。

永樂 宣明坊。在府之西南。建武志待賢坊。在城之東。慶闌坊。在城之南。

永定坊。在城之西。長樂坊。在城之北。右坊肆在羅城外。乃舊所建。

永寧坊。在州治之前。景行坊。在子城之南。德化坊。在子城之南。泮

官坊。在長春門內。逍遙坊。在子城東北。勝遊坊。在安塞門內。迎輅

坊在朝天門內。崇善坊在子城之北。仁和坊在子城之北。勝業坊

亦在子城之北。右坊一十在羅城內。於紹聖三年立。來遊坊在城之

東。迎恩坊在城之東。金坊坊在城之東。衣錦坊在城之南。飛騎

坊在城之南。連渚坊在城之北。鎮遠坊在城之西。輝武坊在城之

北。宣化坊在城之西北。右坊九在羅城外。亦於紹聖三年立。互市

建武志紹興三年二月五日。臣寮上言。乞於邕州買馬司收買綱馬。得旨

依奏。於邕州置司。差提舉買馬官李預。六年罷所置。令本路帥司兼提舉

買馬。邕州知州兼提點買馬司。三十二年。帥臣余良弼奏。本司幹辦公事

一負。乞依元豐指揮。於邕州置廨宇處居住。檢察博馬錢物。同措置買馬。

得旨。依乾道七年帥臣李浩申。乞依舊復置提點綱馬驛程二負。往來檢

視綱馬一負。靜江府置廨宇一負。撫州並從本司踏逐大小使臣。奏辟其

請給人從合依本司屬官體例。得旨。依淳熙十二年有聖旨。令川廣漕臣

依元降指揮。兼帶提舉本路綱馬驛程。其提點使臣。並改作幹辦稱呼。

橋津南寧府志魚步津在城南。上津在城北。建武志徐步橋在籌邊樓

大永

之前。

宣化縣南寧府志鄉隅。本縣仍舊見管五隅九鄉二里。五隅。東南

隅。西隅。北隅。中隅。九鄉。上東鄉。下東鄉。上南鄉。下南鄉。西鄉。北鄉。思龍鄉。如和鄉。太平鄉。二里。封陵里。武

仕里。**邕州志**上東鄉在縣東管一十八村。下南鄉在縣西管一十三村。西鄉在縣西管一十九村。北鄉在縣北管二十五村。太平鄉在縣

南管一十五村。如和鄉在縣西南管三十村。思龍鄉在縣西管三十村。上南鄉在縣南管一十五村。下東鄉在縣東管一十七村。如洪

里在縣西管一十四村。**南寧府志**墟市。三床墟。張墟。南墟。呷墟。韋墟。古潭墟。古隸墟。合羅墟。段僕墟。那同墟。那龍墟。那

萬墟。零灣墟。羅文墟。新墟。安吉墟。武崗墟。鮑墟。長山墟。鄧墟。新庄墟。梁賴墟。思回墟。石廣墟。高屯墟。水路。上

至右江田州府。化州四百五十里。左江太平府五百里。下至潯州府三百里。陸路。上至右江田州府。歸德州二百二十里。左江太平

府羅陽縣一百九十里。下至潯州府三百里。橋。元亨橋。龍溪橋。津渡。鎮江門渡。魚步津渡。大灘城。

永寧

武緣縣南寧府志城。宋朝立縣以來。別無城池。元朝為因土寇斑天瑞作耗。本縣主簿兼尉吳清寧始督鄉民修築土地。其基址稍寬闊。未附之

前。又因峒賊黃郎道譚布盈等。連年作耗。居民逃倚山寨。前項城牆俱各崩壞。洪武元年冬。有權知縣陳鼎重乃閱舊裁減荒餘之地。從新築土爲之。今其城高一丈三尺。周圍三百九十二丈八尺。坊。德政坊在縣門正街。淳熙坊在縣東街。禮義坊在縣西街。鄉里。止戈鄉在縣東北管七里。羅和里。富昌里。右明里。賢良里。上富里。謂隆里。大小武靜里。鳳化鄉在縣正北管三里。羅倖里。沒里。古叅里。永寧鄉在縣西北管武顯里。樂昌西鄉在縣東南。迷昆鄉在縣正北管大小安定一里。墟市。陸幹。龍母。陶胡。馱纜。鄧魯。小陸。譚黃。小楊。蘇排。蠟塘。樂昌。平洪。下黃。葛墟。伊嶺。膺墟。舊墟。鋪墟。橋墟。都暗。定羅。蘇梁。古浪。楊墟。龐墟。片墟。蓮塘。平林。古天。程墟。古木。仙胡。生料。橋利。小莫。敢曜。思坊。小黃。橋。東橋。羅庇。浮排。平安。蘇豐。武崗。暗橋。銀橋。閉忙。韋朗。民橋。思馬。渡。南渡。硃砂。六祖。洪水。冷水。

永樂大

橫州南寧府志城 宋朝以來已有土城爲因土寇作耗人民居於山谷多有頽壞。

本朝歸附以來重新整治今其城高一丈八尺周迴三百二十五丈橫州志

城周圍三百四十二丈高一丈八尺宋末太守謝榘伯環城三面濬濠闊

三文深八尺許至元二十四年太守張垓又重修之復增廣於舊云郡

城周三百四十二丈高一丈八尺闊五尺太守謝公榘伯一新修治人盡復

額圯太守張公垓再行繕治今復廢壞郡壕闊三文深八尺歲久淤塞

東北隅皆涸遂為犬豕之場舊有溝泄水南入于江郡人患其甲庚失次

因循未改今太守張公垓浚其流自乾交達香稻水入于江壕水三面遂

復環遠坊文明坊在縣東正街崇儒坊在城外西街嘉政坊在

城外大市街衣錦坊在城東南寧府志鄉里從化鄉在縣北北鄉

在縣西南鄉在縣南修德鄉在縣西武羅鄉在縣北靈竹鄉在

縣北南里鄉在縣西東北西里在城內中南里在城內思恩里

在縣東端峯里在縣東高登里在縣東橫州郡志樂山鄉在縣東橫

墟市大市街在州之東博合墟蓮塘墟前永淳縣墟輿地

紀勝快活墟在寧浦縣西二十里南寧府志橋翔雲橋在縣北淥水

永大

橋在縣北方水橋在縣之北太平橋在縣西稻水橋在縣之西

永東橋在縣西海棠橋在縣之西輿地紀勝秦少游次題海棠橋海棠

橋者。附城郭抱林麓。大江橫鶩。澗流曲折。政爾幽趣。故老云。此橋之南北。舊皆海棠。有書生祝其姓家其間。少游嘗醉宿焉。明日題一詞而去。所謂醉鄉廣大人皆少是也。郡城僻而少游嘗居焉。見懷古亭記。梁該撰。通津橋在縣北十里。即今翔雲營水橋在縣西三十五里。橫州志津。東津縣東五里。西津縣西一十里。南津在縣門。北津縣北七里。橫州郡志。渡。南渡在州之南通欽州。前永淳縣門渡。東津渡。西津渡。古文渡縣北。

永淳縣橫州志城。土城周圍二百二十四丈。高八尺。南城樓三間。高一丈五尺。鄉里。武羅。脩德。零竹。南里。縣廓。上里。中下里。墟。大市墟在縣城南。渡。南渡在縣南通南寧府。

風俗

永本府元一統志地近溪洞。與左右兩江習尚夙殊。人性輕悍。而椎髻箕踞。乃其習也。鼻飲之俗。王安石論交趾文。畧云。爾民頭飛。我有車馬。爾民鼻飲。我有酒食。用革爾之俗也。爾民斷髮。我有衣冠。爾民鳥語。我有詩書。用

教爾之禮也。煌煌炎洲。煙蒸霧煮。我飛堯雲。灑爾甘雨。湯湯瘴海。雲燒日。銘。我張爾舜琴。扇為薰風。邕人語言類襄漢。自武襄狄青平儂智高去後。

留兵千五百鎮守。皆襄漢子弟。至今邕人皆其種類也。風俗乖異。詔令嶺南諸郡民嫁娶喪葬衣服制度委長吏常加戒勵。俾遵條式。宋熙雍二年。大宗覽邕管雜記歎息。故有此詔。長編鄉村之俗多戴白巾。邕州圖經云。俗儉嗇澆薄。內險外蠢。推髻跣足。尚雞卜。及卯卜。提色箕踞。寰宇記亦云。狸獠有四色。詔各別譯。而方通州即古晉城。蠻渠歲時於石溪口通商。有馬會記文曰。馬會。今之獠布。以竹灰爲鹽。不事五味。寰宇記及圖經云。

溪洞頑習。與省民異。推髻蠻音。衣冠不正。服食亦殊。少習詩書。多務山圃。以強凌弱。以衆暴寡。自耕自食。雖父子兄弟之間。言稍不順。遞相讎殺。歸附元以來。德化所被。稍改舊習。

宣化縣南寧府志本縣境俗土瘠民貧。男子務農。無習技藝。婦女赴墟買賣爲活。四時鬱蒸。地土不宜蠶桑。二麥。惟務紡績。麻葛爲衣。不分寒暑。悉皆跣足。民性頗淳。冠婚喪祭。稍循禮法。外有如和太平。思龍三鄉接連。萬承業化歸德。嶮峒。民撞烏雞。愚昧無知。自歸附以來。漸以効順。輸納賦稅。民間有病。皆不服藥。惟信卜筮祈祭。每歲春以三月。秋以九月。登墳祭掃。武緣縣南寧府志本縣地面隣接嶮峒。民性澆薄。重賄輕死。蓋因田土瘠确。多係刀耕火種。用力艱苦。四時常服麻布。不諳蠶事。不務商賈。民間但

婚妻室。父子多不同居。疾病不肯服藥。惟以卜筮禱祭。外有近撥管屬。述昆鄉。大小定。定里人民。其性凶險。原係蠻獠。不知理法。不伏科差。自洪武四年以來。才方向化。止是輸稅而已。

橫州南寧府志。本州地面偏僻。在遐荒。風氣鬱蒸。瘴癘不常。土瘠民貧。力耕火種。男子樵採經營。以補歲食之不給。女子紡績麻葛。以供四時而服。馬不諳蠶事。冠婚喪祭。稍依禮法。惟婚姻以擯。擯為禮。疾病俱不服藥。惟以卜筮禱祭。唐宋以前。亦有登科進士者矣。大抵嶺南諸邑。民淳訟簡。號為易治。橫邑其庶幾焉。橫州志。漢地理志云。男子耕農種禾稻苧麻。女子蕉落績紡。民有五畜。元一統志。地隘民瘠。俗惟種田。

形勢

本府郡縣志。慶曆四年四月。長編載。寶元初。杜杞知橫州。言邕管內制廣源外。控交趾。願擇文臣。達權變。練嶺外事。以為牧守。使經制邊事。皇祐四年五月。廣源州蠻儂智高叛。破邕州。連陷橫貴。龔藤。梧封。康端州。攻廣州。不克。九月。陷昭州。賓州。復入邕州。朝廷命樞密副使狄青討智高。五年正月。戊午。青與智高戰于歸仁輔。大破之。智高奔大理國。輿地紀勝。貞觀為

永樂大典

都督府。建武志。貞觀六年。改為邕州都督府。唐以邕州為西道。唐大詔。令

咸通三年。分嶺南為東西道。廣州為東道。邕州為西道。三十六洞印。先時
西江州洞。各執山獠古洞印。至治平四年。準朝廷給賜銅印。左江十八面。

右江十八面。今所為三十六洞之印也。繼此續降印讖。固不止三十六也。
號為大府。皇祐五年。丁寶臣作邕州。新城記曰。嶺南東西二部四十五州。

惟廣桂邕號為大府。見雄州圖經。廠惟邕邊南國之紀。九洞襟帶。州城列唇齒。
余靖平蠻頌曰。廠惟邕邊南國之紀。邕筦所蒞最廣。度嶺而西。為州二十

有五。而道里延袤。與蠻錯居。有永平橫山二寨。永平通交趾。暨于海外。橫
山道自杞羅殿。諸蠻控連巴蜀。見桂林乙編。李大異書。橫山買馬圖。併邕

容兩管為一道。深合事宜。韓愈奏黃賊事宜。然邕州與賊逼近。容州則甚
懸隔。其經畧使若置在邕州。與賊隔江對岸。兵鎮所處。物力必全。今置在

容州。則邕州兵馬必少。伏請移經畧使於邕州。實為至便。夢蛇示杜皇祐
築城。隨築輒壞。役者苦之。夜夢有蛇環地而行。若示其址。遂即其地而築

焉。雲南頭楚分尾。杜光復風土歌。元一統志。南晉際窮荒之境。群蠻來互
市之街。姚知才謝表云。山川禹貢外。城郭漢兵餘。唐庚詩。金城之固。

大永 銅柱之封。狄青賀捷表云。地控龍編之遠。歲通駿骨之奇。顏敏德謝表
云。山川通益部。星斗近交州。陶弼詩。黃茅煙瘴之地。舊傳擯榔出海

南又壓瘴氣。日夕食之為常。至於婚嫁亦以此為禮。厥惟邕國。南國之紀。九洞襟帶。州城脣齒。余靖平蠻頌云。玉簪峯頂。銅柱溪頭。見陶弼詩。

橫州郡縣志寶元初杜杞知橫州言橫為邕欽廉三郡咽喉地勢阻險可
以屯兵應援三郡賊或奔衝足為控扼州以橫槎為名按寰宇記三

梁故縣烏滸所巢按寰宇記對境之前有南山焉峯巒疊秀泉石清深
僧先覺撰寶華山記云橫踞邕為隣實犬牙相制之地易被修城記云

南瀕海微西接溪洞按寶華山記云東連懷澤西接欽江實二州車
馬之衝章鎬太守上梁文萬疊山圍城堞古一灣江抱海槎浮徐安國

橫浦詩

戶口

本府南寧府志人戶一萬三千二百八十五戶人丁一十萬三千五百七
十口 宋朝戶一萬四千九百三十三戶 丁六萬二千零九十口

元朝戶九千七百零四戶 丁五萬二千七百八十三口
本朝戶一萬二千五百二十一戶 丁三萬五千九百四十四口 邕州志土

丁 元額宣化見管廣勇第一都一百二十三人第二都七十五人安邊
第一都一百人第二都一百五十一人崎零第一都六十二人第二都一

十六人。武緣見管安邊指揮二百八十四人。定勝指揮二百二十四人。畸零都六十人。見共管一千九十五人。**建武志**軍額 東南第十三全將駐

劄。十一指揮額管五千一百人。馬一千六百疋。有馬雄略第二指揮額

管五百人。馬五百疋。營在州南。去城二百步。有馬雄略第三指揮額管

五百人。馬五百疋。營在州南。去城二百步。有馬雄略第四指揮額管三

百人。馬三百疋。營舊在州東。今遷于朝天門內三十步。有馬營略第七

指揮額管三百人。馬三百疋。營在州東。去城一百步。澄海三十一指揮

額管五百人。營在東朝天門內。澄海三十二指揮額管五百人。營在州

東。白塔城望京門內。澄海三十四指揮額管五百人。營在子城之東。

澄海三十五指揮額管五百人。營在子城之東。澄海三十六指揮額管

五百人。營在州南。去城一百五十步。澄海三十七指揮額管五百人。營

在州南。去城二百步。不係將駐泊軍。宋朝熙寧間。屯戍禁軍二百八十

四人。置駐泊兵馬監押兼之。廟軍。清化第二指揮額管五百人。營在

子城之北。在城第二指揮額管二百人。營在子城東北。壯城第二指

揮額管三百人。營在子城東北。都作院指揮額管二百人。營在子城東

北。剝負指揮營在子城東北。土軍。城外巡檢指揮額管二百人。

永樂

子城之北。在城第二指揮額管二百人。營在子城東北。壯城第二指

揮額管三百人。營在子城東北。都作院指揮額管二百人。營在子城東

北。剝負指揮營在子城東北。土軍。城外巡檢指揮額管二百人。

管界巡檢指揮額管一百人。太平寨都巡檢額管四百人。太平寨同巡檢額管一百五十人。永平寨都巡檢額管四百人。永平寨同巡檢

額管一百五十人。橫山寨都巡檢。富勞驛都巡檢。橫山寨洞巡檢。

邕州志 洞丁 治平元年知桂州陸詵各按邊至邕州閱洞丁得精兵五

萬熙寧二年六月樞密院言邕州欽州洞丁能驍勇但訓練不至激賞無術欲令分爲三等有戰閱武藝出衆爲上等免差役人材趨捷爲中等

科配餘爲下等常日不妨農作習學武藝提舉官教閱即聚一村按試毋得預集從之至元豐二年廣西經略司奏根括團結到邕州欽州洞丁

成一百七十五指揮內先籍定武藝上等一萬六千六百七人總三等凡十萬餘人至宣和八年臣寮上言邕州左右兩江沿邊溪洞五十餘處自

治平年間籍其土丁六萬餘人至熙豐間再籍其數已及十萬迄今四十餘年生齒之盛其少壯可用者尚未增入簿籍逃亡老弱不堪用者又未

蠲免姓名乞別選素諳溪洞能使遠人信畏之吏專令措置重排簿書庶幾丁數得實奉御筆令蔡懌條畫措置具久遠利害疾速飛驛以聞未幾

准樞密院批送廣西經略司權行住罷土丁教閱揀換排籍建炎元年初置訓練洞丁改用文臣充提舉官於是州人朝請郎前廣西經略司幹辦

永

大

公事李域充其任。其請給人從等。並依提舉市舶官條例施行。所有見任使臣許就差充本司幹辦公事。尋又逐選差官。負使臣一十員。按左右江闔境圖。視州洞大小。隨地理遠近。分定差官抄點。見在人數。檢准元豐法。應兩江洞丁。除十五以上。二十以下。別立名籍。拘管權免教閱外。自二十歲以上。六十歲以下。並須盡數供通其丁壯。仍分三等。內曾戰功。或武藝如能出眾者。為上等。人材矯捷。習熟武藝者。為中等。余為下等。將今來抄點到人數內。上等人以備緩急。選募出戰。與免諸般差使。及科配中等。以備把托隘柵。防守溪洞。互相照應。警遏盜賊。及鎮寨代戍。與免夫役。下等人依自來條例。輪流差使。遇調發出戰。即負器甲。輜其中等人。遇教閱。按試如武藝陞進。即便陞等。契勘元豐舊例。州洞各依軍法排定。五百為指揮。置正副指揮。使各一人。都頭五人。教頭三人。押隊二十人。引戰二十人。每隊二十五人。每五人為一保。以上中下三等。各為指揮。不以強弱交反。

永
遂
立
抄
簿

遂立抄簿。付官供攢。左江計三十二州洞。舊管六萬四千五百八十四人。新收一十萬九千五百六十六人。內管典頭首二千七百七十四人。幼丁

一萬八千一百七十七人。正丁八萬八千六百二十一人。總一百六十六指揮。令一十四隊一人。上等二萬五千八百九十五人。中等二萬六千七

百三十三人。下等三萬五千九百九十四人。比舊額共增四萬六千八百八十二人。右江計二十四州洞管三萬三千六百七十六人。新收八萬七千二百二十六人。內官典頭首二千一百四十五人。幼丁一萬九千六百七十九人。正丁六萬五千四百二人。總一百一十四指揮零五隊二十六人。上等一萬九千九百八十五人。中等一萬九千六百八十九人。下等二萬五千七百一十八人。比舊額增五萬三千五百五十八人。歸明州洞三十一處。係徇行抄點。共收正幼丁一萬一千六百二十一人。結成保隊總計二百八十一指揮。總計一十九萬六千九百七十人。比之熙豐舊數計增收十萬餘人。嘗攢造團結簿投進。近年以來。洞丁訓練。專安南江都巡檢使提舉其事。

宣化縣南寧志 宋朝戶四千二百六十戶 丁一萬八千四百五十六口。

永樂 元朝戶二千八百三十六戶 丁一萬二千五百二十四口。

大武緣縣南寧志 宋朝戶四千三百七十四戶 丁一萬六千七百七十口。

元朝戶一千一百七十六戶 丁四千九十口。

本朝三千三百四十九戶 丁一萬二千四百六十八口。已上並南寧志。

本朝三千三百四十九戶 丁一萬二千四百六十八口。已上並南寧志。

橫州橫州志唐貞觀十二年戶一萬一百二十八。口一萬七千三十四。
天寶元年改為寧浦郡領縣三。寧浦淳風樂山。戶一千九百七十八。
口八千三百四十二。

寧浦縣南寧志宋熙寧間戶五千二百一十九。主戶三千九百六十四。

客戶一千二百五十五。丁一萬二千三百三十六。主丁九千五百

三十。客丁二千八百零六。元至元間戶四千一十一。口三萬一千

一百九十四。

永淳縣南寧志戶一千六百八十一。主戶一千二百八十九。客戶二

百九十二。丁四千九百七十五。主丁四千六百九十三。客丁二百

八十二。

本朝省寧浦縣總屬橫州戶一千五百一十五。口大小男婦九千三百九

十九。宋朝寧浦永淳二縣計戶六千二百九十九戶。丁二萬六千八

百六十四口。元朝寧浦永淳二縣計戶五千六百九十二戶。丁三萬

六千一百六十九口。

本朝戶併永淳入橫州計二千二百二十戶。丁八千六百一十三口。
永淳縣橫州志宋崇寧間戶一千零八十八。口一萬四千五百二十八。

元至元間戶一千六百八十一。主戶一千二百八十九。客戶二百九十二。丁四千九百七十五。主丁四千六百九十三。客丁二百八十二。

本朝戶七百零五。口六千一百五十五。

賦稅

本府南寧志官民田地塘一萬一千一百四十五頃。九十畝四分九釐一

毫。夏稅米六百四石五斗四升一合二勺。紅花一十一觔一十三兩

五錢。絲二觔一十二兩八錢五分。秋糧米四萬九千一百五十七石

七斗二升六合九勺一圭。租鈔三十六錠一百七十五文。宋朝夏

稅四千七百九十五貫零九十九文。免役錢二千二百七十九貫五百

文。秋糧一萬五千三百零七石三斗三升二合二勺有零。免役米一

千七百七十四石二斗九升九合。麻一百八十二束每束重一十五觔

元朝在城商稅課程錢二千三百五十貫六百九十二文。各墟商稅

并糖粹錢一百五十七貫零二百文。門攤酒醋錢八百六十三貫。稅

糧三千零一十七石七斗六升一合七勺四抄九撮九圭八粒。

本朝在城稅課錢每歲八千五百七十二貫有零。各墟稅課錢一千三百七

永樂

大

十七貫三百九十八文。酒醋課程錢五百八十六貫三百三十四文。糖榨錢五十貫文。塘地租錢二百一十一貫八百三十四文八分。麻

隴錢每歲徵錢七十四貫二百文。藍靛每歲徵收七十一觔。夏稅錢每歲徵錢一百二十八貫一百九十五文五分六釐。魚課錢每月一十

六貫文。秋糧每歲徵糧二萬五千六十九石。一斗七升二合三勺一抄四撮。五圭五粒二粟。建武志夏稅錢二百八十貫四百六十四文。秋糧

米一千七十四石五斗七升三合。生獠茶三千斤。麻四十七束九觔八兩。係經畧司招納克效用之人。駐劄于思隸團客團以備調發免納稅

米。以此輸之。已上係逸隆寨橫山寨夏稅錢一百五十九貫一百三十分。稅米九百六十二石三斗八升。草菜子四毬。土窄布一百六十

分。永平寨夏稅錢一百八貫七百三文省。內三十五貫文省。係納馬二十。足價錢。秋糧米五百八石三斗二升。已上並邕州志。財計經總制

錢。舊額歲解二萬七千八百四十九貫六百五十四文省。分四季起解。自兩江賦稅失陷。諸處場務歲入皆虧。每年四季起解。比舊額減半。自集相

崔文清倅邕。經今三十四年。遵為定例云。歲計鹽每歲運司撥下四千羅。續增至五千二百羅。每月還運鹽本錢一千八百九十一貫六百三十

永大

五文省。本州舊額每斤直一伯文足。紹定間因脩城權添六文。隨即罷免。其後通判廳申請以經制錢虧額添六文。每斤直一伯六文足。內百文歸州家。六文歸倅廳。遂爲定例。但弊倅多端。浸失鹽政初意。價雖不增。而斤兩大虧。民間以食貴鹽爲病。爭事私販。不可禁止。抵罪者衆。而官鹽率售不行。展轉受害。非一日之故矣。淳祐五年謝安撫到州。首革寬剩之弊。出入盡依祖額。遇吏校運到鹽。置天平于庫門。委官監稱。初不利其贏。至於賣鹽。每斤除包葉外。實一百六十文足重。時或當廳點秤。始馬多以郡計。價乏爲慮。而行之兩年。橫費雖多。支遣亦給。上下便之。賜本錢一千貫文省。減下吏人錢四百六十九貫五百八文省。坊場淨利錢六十三貫文省。永豐場淨利金三十兩停廢。多激場淨利銀一十兩停廢。

永樂

買馬錢。紹興以來。累降指揮。每歲取撥諸州上供錢七萬貫。經制錢五萬貫。轉運司賣鈔錢八萬貫。石康倉鹽二十萬斤。計錢三萬貫。成都運司錦二百匹。計錢二萬貫。靜江府合起湖南總領所上供折布錢。內截撥額外馬價錢六萬二百八十貫。隨馬數多寡截撥。本路提刑司合起發經制供

內截撥襄陽府馬價錢四萬貫。內除撥諸州上供錢一萬一千貫。充般鹽脚錢。又撥還經制錢四千四百貫。充諸州養士錢。又減免賀州上供錢八

千五百貫。歲計實計見錢二十七萬六千三百八十一貫文。省鹽二十萬斤。沿江橫寬。語高化林。今四川每歲輪委州般。橫

山寨鹽倉。川錦二百匹。經略司又遣水銀往福建路發賣。買錦貨田司發赴橫山寨博易添湊支遣。其見錢於前年預撥就靜江府置場收買銀六萬兩。同田易錦分爲三綱。三冬月各團併一綱。差本司使臣一員將校五人發下邕州買馬庫交納。買馬額紹興五年指揮每歲正額一千四百匹。以十分爲率。建康鎮江鄂州每處三分。池州一分三綱。隆興元年指揮於買到綱馬內選出格良馬每三十匹爲一綱。押赴行在投進十綱。二年指揮於歲額外收買六綱。發赴襄陽府。乾道元年指揮於歲額外更買二綱。應副建康府。三年指揮於歲額外更買二綱。應副鎮江府。五年指揮於歲額外更買一綱。應副池州。又當年指揮於歲額外收買二十綱。赴行在。

普添是也。

永寧

宣化縣南寧志。宋朝夏稅錢一千四百八十貫七百二十七文足。秋糧六千二百九十七石三斗三升二勺。麻一百八十二束。每束重一十五斤。熙寧七年准轉運司奏將上件麻料隨納身丁錢六文。米一斗二升五合。

本縣。元朝在城務商稅課程錢二千三百五十貫六百九十二文。南市

務各墟糖榨說課錢一百二十五貫。門攤酒醋課程錢五百六十三貫。稅糧一千六百七十二石五斗八合六勺。

國朝本縣南市局各墟商稅錢每月六十一貫三百六十八文。酒醋課程錢每月三十一貫九百六十文。糖榨錢五十貫文。塘地租錢每歲徵錢二百一十一貫八百四十三文八分。麻隴錢每歲徵錢七十四貫二伯文。藍靛每歲徵收七十一觔。夏稅錢每歲徵錢八十九貫五伯三十四文五分六釐。魚課錢每月一十六貫文。秋糧每歲徵糧一萬三千九百五十四石八斗九升三合六勺一撮五圭二粒二粟。

武緣縣宋朝夏稅錢二千二百七十八貫七伯四十一文。秋糧六千九百一十三石四斗六升有零。元朝門攤課程錢三百貫。各墟商稅錢

三十二貫二伯文。秋糧六百二十八石四斗六升。

本朝酒醋課程錢三百零二貫四百文。各墟商稅錢六百九十一貫有零。

大夏稅錢三十八貫六百六十一文。秋糧五千三百九十六石七斗四升四勺一抄五撮五粒。**建武志**夏稅錢二千二百七十八貫七伯四十一文足。

內七百二十七貫六伯一十一文足。係收農田水利夏稅錢。秋糧六千九百一十三石四斗六升三勺四抄。內一千八百二十三石八斗一合。

係收農田水利稅米。

寧浦縣橫州志宋崇寧間。糧一千一百三十一石一斗九升三合。

永免役

米一千二百二十四石九斗一升七合。

永淳縣糧九百六十五石三斗四升九合。免役米五百四十九石三斗

八升二合。

寧浦縣元至正間。田一百五十頃八十六畝二分一釐七毫。糧五百六

十四石九斗八升二合五勺七抄一撮五粒六圭。

永淳縣南寧志宋朝免役錢寧浦永淳二縣共計二千二百七十五貫五

伯文。免役米一千七百七十四石二斗九升九合。稅糧二千九十六

石五斗四升二合。稅錢一千三十五貫六伯三十一文。宋朝不以民

應當差役。只收免役稅糧。元朝田一百九十一頃四十畝四毫。糧七

百一十六石七斗九升三合一勺四抄九撮九圭八粒。

永本朝酒醋課程錢二百五十一貫九伯七十四文。各墟商稅錢六百二十

五貫零三十文。秋糧五千七百一十七石五斗三升八合二勺九抄八

大撮。橫州志田四十頃五十三畝六分八釐七毫。糧一百五十一石八斗

一升五勺七抄八撮一圭五粒。

本朝本州實徵舊管新增輕重租田一千六十二頃八十六畝一分六釐。

糧四千一百六十六石七斗九升九合八勺三抄六撮五圭。本縣一周

歲稅糧計九百石有零。橫州郡志本路一周歲稅糧一千一百一十九石

五斗三升九合。本路一周歲諸色課程計中統鈔共一千一百三十九錠

零八錢。酒課六十六錠三十五兩七錢。醋課一錠二十七兩七錢一

分。稅課七十錠二十七兩三錢九分。

寧浦縣橫州志宋崇寧間稅錢六百一十四貫八伯六十四文。夏秋兩

科免役錢各一千三百七十九貫五伯文。

永淳縣宋崇寧間糧九百六十五石三斗四升九合。稅錢四百二十貫

七伯六十七文。免役米五百四十九石三斗八升二合。夏秋兩科免

役錢各九百貫。宋舊法不以民戶應當差役。只收免役錢米。元至正

永樂間四十頃五十三畝六分八釐五毫。糧一百五十一石八斗一升五

勺七抄八撮一圭五粒。

本朝田三百六十四頃九十八畝八分八釐。糧二千四百六十二石一斗

六升三合五勺九抄一撮。課程錢鈔計一百八十一貫四百一十四文。

土產

建武志象 出交趾山谷。惟雄者有兩長牙。佛書云白象。又云六牙。今無

有象以鼻為用。一軀之力皆在鼻。將行先以鼻拄地。乃移足。知其足力劣

於鼻也。安南出象處曰象山。歲一捕之。縛欄道傍中為大窠。以雌象前行

為媒。遺甘蔗於地。傳藥蔗上。雄象求食。蔗漸引入欄。閉其門。就窠中教習

馴擾之。始甚咆哮。穿深不可出。牧者以言語諭之。久則漸解人意。不馴則

告之。云當為爾引雌來。即聽從。又為立名字。呼之則應。牧者謂之象奴。蠻

酋出入多乘象。其貢中國者。背施鞍轡御座。號羅我象。額編金鈴數十枚。

行則琅琅然。交人有犯惡逆者。卧之地。使象蹴殺之。孔雀 生溪洞高

山喬木之上。人採其雛育之。卧沙中以沙自浴。拍拍甚適。蓋巢于山林而

下浴沙土。雄者尾長數尺。生三年尾始長。金碧晃耀。時時自奮。盡張其尾。

圓如錦輪。俗謂之朝。其朝無時。自晨至午皆朝。人聚觀之。則奮迅不已。若

矜銜者。或所慕悅。及驚懼亦朝。歲一脫尾。秋夏復生羽。不可近目損人。飼

以猪腸及生菜。惟不食菘。以菜杞縛柵上。令自啄食。其性驚。又有力。不喜

就地俯食。故也。蠻犬 如獵狗。警而獠。諸蠻以馬互市於橫山。皆作茅

舍野次。謂之寮。率携一犬自防。盜莫能近。元一統志。宣化武緣兩縣皆出。

鸚鵡 省地溪洞皆有之。千百為群。飛甚高。聲格磔。亦能言語。此物畏冷。

永 大

冷則發瘴。噤戰如人患寒熱以餘甘子飼之則愈。不然必死。元一統志出
兩縣山間能言。蠻馬 出西南諸蕃。多自毗那自杞等國來。自杞取馬

於大理。故南詔也。地連西戎。馬生尤蕃。間有筋籐骨細。頭小蹄輕。類西馬
者。自杞人以錦二疋博大理二馬。金鐺一兩博一馬。歲十月則群來。由自
杞行十二程至西四城州。又六程至橫山寨。官以錦銀藍三物折馬價。獨
自杞不用鹽。食大理鹽故也。得銀亦不用。悉以易黃金錦帛以歸。又有羅
殿國。及謝蕃。滕蕃。羅孔諸聚落土產馬。其地多山險。馬尤健壯。亦以十月
來行二十二程至四城州。與自杞等馬會。俱入橫山。其人亦以所得銀易
金錦及雜絲帛。蠻人死。即以一錦纏繞。親友購者亦以歸。貴人至纏十數
疋。故須錦為急。諸蠻首各以家奴隨馬。綱來賣馬一疋。稅銀一兩。謂之牙
銀。奴執竹片尺餘。得一牙銀。即刻竹一刀。比歸持竹與銀併致之。首不敢
欺也。買馬司。歲市國馬一千五百疋。盡出於諸蕃。世漫稱廣馬。非是。廣。安
得戰馬。土產小駟。與湖淮無異。一疋直十餘千。蠻馬一疋。為銀四十兩。每
高一寸。增銀十兩。有至六七十兩者。其尤駱駿者。在其出處。或博黃金一
十兩。日行四百里。但官價有定數。不能致此等耳。大理馬 為西南蕃
之窟。間亦與自杞博易。轉至中國大理。至橫山寨。纔四十餘程。而不能自

永
大

致者。必假道自杞。自杞人克狡爭利。大理人文柔。雖知其利。卒不敢度。自杞而東。別有一路。自其所謂善關府者。經特磨道。以至橫山。甚捷。彼見中國金錦之利。欲自通者久矣。常遣馬樣來。多為特磨所留。特磨人亦貪悍。故久不得達。先自建炎三年買馬。官嘗遣書至其國招之。其曲文稱大理國善關府。保大二年二月牒云。已選戰馬千疋備貢。江漲未敢行。自後因循不復議。乾道九年冬。忽有大理人李觀音保等二十三人詣橫山。其名多用三字。蓋與特磨和親。故通道無壅。特磨人儂姓者。導之來云。欲以馬入中國。太守姚恪買馬。官趙不遜等盛陳金帛夸詡之。其人大喜。出一文書。稱利正二年。其所須博易物語。在大理國條下。猿有三種。金線者黃。玉面者黑。純黑者面亦黑。金線玉面者皆難得。或云純黑者雄。金線者雌。又云雄能嘯。雌不能也。子嘗抱母牢不可折。人取之。射殺其母。取其子。子猶抱母皮不釋。獵猿者可以戒也。猿性不耐着地。輒瀉以死。煎附子汁。即止。登木好以兩臂攀枝上。不甚用足。終日累累然。兩江溪洞俱有之。綿羊。出右江溪洞。及蠻國中。與朔方胡羊不異。有白黑二色。毛如

永樂大典

屬是也。當有能辨此理者。大狸。狸之類不一。有穴於城郭園林者。其大

倍猫身有黑點。鳴號甚厲。處處有之。惟邕之省地。及溪洞別有一種。其毛色如金錢豹。但其錢差大耳。土人云。歲久則為豹。其文先似之矣。此皮可以寢及覆胡床。其大幾及豹也。石鼠。專食山荳根。人捕之。以其腹爆乾。治咽疾甚驗。功用甚大。山荳根謂之石鼠肚。蝮蛇。大者如柱。長稱之。其膽入藥。腊其皮。刮其鱗。以鞣腰鼓面。闊尺餘。但用背皮。腹皮不與也。向明視之。黑文白章。如方勝。蛇之大無過此。常出田野。逐鹿而食。人見底走田中。知蛇必在焉。數輩偕往。滿頭挿花花趨赴之。蛇喜花心。注視漸近。競拊其首。大呼紅娘子。蛇頭益俛不動。壯士大刀斷其首。衆悉奔散。遠伺之。有頃。蛇身覺奮迅騰擲。傍小木盡拔。力竭乃斃。所謂蝮蛇。大蛇。土錦蛇。紅冠蛇。終不如蝮蛇之大且毒也。山鳳凰。狀如鵝。鴈。嘴如鳳。巢兩江

永大

深林。有卵。雄來以木枝雜桃膠封其雌於巢。獨留一竅。雄飛求食以飼之。子成即發封。不成窟竅殺之。此亦異物。然未之見也。長鳴雞。高大過雞。鳴聲甚長。洪大而哀厲。終日啼號不絕。出大理諸蕃蠻及溪洞中。交趾有一種。高者二三尺。尤善於鬪。常貨于永平。翡翠。出左江溪洞。交趾尤多。比年官雖厲禁。費人家服用不廢。故冒法販鬻者不可革。紅頂鶴。大如鸛。通身灰慘色。去頂二寸許。毛始丹及頸之半。亦能鳴舞。聲亦洪暢。似

白鶴武緣最多。溪洞亦有之。錦雞。身如孔雀。又如小雉。頭頂鬃毛金色。身紅黃相間。極有文彩。省地溪洞俱有之。嘉魚。狀如小時魚多脂。

味極腴美。生於石穴蒼梧而上方有之。鱖魚。春半而盛。出下江者青色。上江者紅色。紅者上品也。如竹魚。鱖魚。鯽魚。皆皆有之。而以嘉鱖二魚

為稱。金。出兩江產於右江鎮。乃寶隆二場者為最赤。左江永豐場亦

產之。銀。產于右江萬承州多激場。鉛。產于左江江州大觀場。

銅碌。俱產石江歸化州。政和間。遂年解銅於州之寶積監鑄錢。至宣和

間罷。左江古甑洞亦有之。硃砂。水銀出慕化場。水銀乃煎硃砂而成。

遇砂發。即課利登。歸德州界內亦有之。麝香。出西南諸蕃蠻氣。雖臊

烈。下及西香。然比年西香乃多偽雜。以皮毛錫豆諸物。一臍化為十數枚。

豈復有香。南麝氣味雖劣。以不多得。得則為珍貨。不暇作偽。入藥宜有力。

沉香。光香熟香。箋香。俱出交趾。亦有泥香。以諸草香合和調。如薰衣香

其氣。氤氳。担成小莖狀。琉璃珠相間。綵絲貫之。入省地賣。練子。出兩

江州洞。大略似紵布。有花紋者。謂之花練。極細者。可以染色。為婦人暑服。

土人亦自貴重。蜀人尤愛之。大抵布多於帛。有縹綾。縹紬。窄幅紬。紬絲及

縑。皆出左右江。所謂水細密紵布。練紵布。葛布。落布。省地皆有之。綵

永樂大典

亦出兩江州洞蠻織也。如中國線羅。上有徧地小方勝紋。亦厚重。彼人以爲麗服。蠻羶。出西南諸蕃。以大理者爲最。南方多綿羊。故有佳羶。蠻

人晝披夜卧。無貴賤人。有一番長或數丈。兩重夾之。故薄而軟。此羶經卧不能雨。南羶且卧且披。雨不漏濕。以此爲貴。大理羶。以皂緣者爲上。

州人深青者尤佳。真珠米。出右江橫山寨。粒圓而香滑。他所罕見。宣化縣亦有之。占城米。一歲而兩熟。省地多植之。太平寰宇記飛蟲

博物志云。晉興郡有飛蟲大如麥。或云有甲。嘗伺病者居舍上。候人氣絕。便入食之。雖撲殺不止。如風雨之至。肉盡便去。貧者或殞。斂不時。皆受此弊。蟲惡梓木。有事力者。以梓木板掩之。無用爲器。蟲不復近也。桂林寧浦二郡亦有之。元一統志。嬾婦獸。建武志引南越志云。晉城即有邕州。有

嬾婦獸。昔有織婦。睡機上。其姑怒之。遂忿赴水。姑遂下。行投其背。化爲此獸。今背上有文如杼形。大者可得脂三斛。燃之照紡績。即闇。照作歌舞。即明。習嬾之性。化而不革。名公有詩。山猪。即毫猪。身有棘刺。能振發以禦人。二三百爲群。以害苗稼。秦吉了。出兩縣山林間。似鸚鵡。教之能

大永

曲樂

言。倒挂。出兩縣山間。毛綠。常倒挂於樹林。越鳥。飛生兩縣諸山。有。水銀。係羅殿自杞國所出。客旅於本寨市并發賣。花木。建武志

素馨花城中方有之。此番禺所出爲少。土人貴重。不肯輕折。旋掇花頭。狀於他枝。或以絲竹貫之。賣於市人。競買戴。末利花亦少。如番禺。土人愛惜。以浙米漿日溉之。則作花不絕。可柰一夏。花亦大且多。葉倍常花。六月六日。又以治魚腥水一溉。益佳。紅荳蔻花叢生。葉瘦如碧蘆。春末發。夏初開花。先抽一幹。有箨包之。箨折。花見一穗。數十藥。淡紅鮮妍。如桃杏花色。藥重則下垂。如蒲萄。又加大濟纓絡。及剪綠鸞枝之狀。及其含藥時。連莖摘取。入雞蘇梅汁。微漬日乾。以薦酒。香味辛美。極有風致。此花無實。不與草荳蔻同種。綠香味不殊。故同名本草。亦自別出。每藥心有兩瓣相益。詞人托興。如比目。連理云。紅蕉花葉瘦類蘆。若中心抽條。端正。發花葉數層。日折一兩葉。色正紅。如榴花。荔子。其端各有一點鮮綠。尤可愛。花心有鬚。蒼黑色。春夏開。至歲寒猶芳。又有一種。根出處。特肥飽。如膽餅。名膽餅蕉。史君子花。蔓生。作架植之。夏開一簇。一二十葩。輕盈白。久即棠白。與深紅相雜。齊開。此爲最異。本草謂開時白。久即紅。蓋未詳。如牡丹芍藥。茶蘼薔薇。桃杏白笑。紫笑。千葉石榴。水仙花之類。皆有之。時不多宜。杉木。出右江溪洞。蠻人劈作大板。結作牌船。沿江而至橫山寨。與省民博易舟下。廣東得息結穗。 枕榔木。省地溪洞俱有之。身直如杉。又如大竹。有節。

大永

木

一幹挺上。高數丈。開花數十穗。綠色。一穗垂數十條。裊裊皆長數尺。如纓絡。莖拂了綴條上。虛脆如筍。蔗。極堅實。外有紫班。屬如孔雀尾。工人鑿以爲而用。性礮。不耐風。易墜裂。又傳其刺損人。難以療。思楊木。生兩江州洞。堅實。漬水中。百年不腐。洞人及交趾。以爲弓弩標槍之材。龍骨木。色翠青。狀如枯骨。礮。有大刺。數文。無華繁茂者。其端止一二葉。類景天。葉而極大。人挽以當籬。援梗中汁。療癩。惟不可近目。有人目上患瘡。塗傅之。應手愈。目亦漸枯。澁竹。出兩江亦有之。甲人削成。復澁矣。江船蓬箔。多猶是常竹。人面竹。節密而凸。橫伺相間。每凸處突出。長圓。宛如人面。數尺而上。節始平。正如常竹。其笋亦有食之者。人亦採爲柱。笏竹。刺竹也。芒棘森然。廣東橫州素無城。桂林人黃濟守郡。始以此竹環植之。羔逢不能徑。號竹城。至今以爲利。傳交趾外城。亦是此竹。藥物建武志。牛黃。出西南諸蕃。黃蠟。出特磨道。老翁鬚。何首烏。出蘿秀山。天門冬。石菖蒲。白芨。已上並出蘿秀山。山豆根。右江。草豆蔻。八角茴香。並右江。黃精。明山。蓬莪茂。乾葛。凌霄花。桑白皮。鶴虱。史君子。地黃。麥門冬。山梔子。萹陀。羅花。槐角子。章柳根。金毛狗脊。草決明。石鼠肚。鵲不洩。放杖草。石燕。地榆。香白

永樂

大曲

石菖蒲

黃精

蓬莪茂

乾葛

凌霄花

桑白皮

君子

地黃

麥門冬

山梔子

萹陀

羅花

槐角子

章柳根

毛狗脊

草決明

石鼠肚

鵲不洩

放杖草

石燕

地榆

香白

芒。縮紗。茱萸。菓實。荔枝。夏始熟。殼圓刺平肉厚。西甘妍紅如丹。暴乾。可以惠遠。省地溪洞俱有之。陶弼云。荔枝林下千金絡。龍眼。省地溪洞亦多。極大者莫如石家莊所產者為貴。暴乾可惠遠。龍荔谷。如小荔枝。肉味如龍眼。本身葉亦似二果。故名。色青時便熟。後但稍黃。不復紅。核可蒸食。如熟栗。不可生取。三月開小白花。與荔枝同時生。石粟殼厚硬褐色。圓如彈子。每顆有梗抱附之類。杓柄肉黃白甘韌似巴攪子。人附內白靨不可食。發病。北人或呼為海胡桃。木竹子。皮色形狀全似。木枇杷。肉甘美。比枇杷微爛。子亦似枇杷核。秋冬間實。半青黃時已採食。收藏至三四月不壞。冬桃狀如棗。深碧而光。軟爛甘酸。核似攪子而不尖。春夏間熟。人面子如大梅李。生。青熟黃核。如人面兩目鼻口皆具。肉甘酸宜密煎。鏤為細辨。去核。按匾煎之。微有操抽方氣。南菓之珍也。烏攪如椒攪。青黑色。肉爛而甘。亦可打破調和蔬茹。核亦如椒攪。差長。中人味鬆美。薦酒泛茶皆珍。相餽遺者。獨以其核致遠。微曝燥推取人。方攪如椒攪子類。三角成四角。焦子。巴蕉。極大者凌冬不凋。中抽一幹長數尺。節節有花如菡萏花。重則幹為所墜下。花垂根葉根實一穗。穗數枚。如肥皂長數寸甚厚。去皮取肉。軟爛如綠柿。極甘冷。以毒汁漬暴乾。按今匾味酸有微霜。世所謂芭蕉乾者。

永大

是也。又名牛蕉子。雞蕉子。小如牛蕉。亦四季實。芽蕉子。小如雞蕉。尤

香嫩甘美。土人稱之不與他蕉比。秋初實。紅藍草葉取生草豆蔻入梅

汁澄清。令色紅暴乾。線貫之以薦酒。芬味甚高。八角茴香。質類連翹。大

如小麥。尖角八出。形狀全不類茴香。而氣本酷似。但加辛烈。性尤燥熱。不

可入藥。比人得之。惟以薦酒少許。其味甚芳香。由甘子多販入北州。人

皆識之。方實時。零落藉地。如槐子榆莢輩。土人乾以合湯。意味雋永。其木

可以制器。山稜子。形狀詭異。辨五出。如田家碌碡狀。皮黃薄味。日久則微

甘。切之。或以密漬。始可食。閩中亦有之。謂之羊桃。波羅密。大如冬瓜。其

皮礪訶如佛髻。生青熟黃。削其膚食之。味極甘。子練悉如冬瓜。生大木上。

秋熟。抽子名臭柚。大如瓜。人亦食之。皮甚厚。打碑者。捲皮醃墨。以代檀刷。

宜墨而不損紙。極便於用。此法可傳。但北人無許大柚耳。地蠶生土中。

如小蠶。又似甘露子而不尖。味如梨藕而淡。亦以薦酒。山荔枝。色紅。肉

如荔枝。山龍眼。色青。肉如龍眼。木賴子。如淡黃大李。黏子。如指面

大褐色。羅晃子。如栗子殼。其皮七重。不可多食。令人發瘡。赤棗子。如

酸棗。微長。味酸。生岩石上。羅蒙子。黃大如棗。秋風子。色狀俱似。棟

子。味酸澁。不納子似黃熟小梅。絕窳爛。爛即皮肉附核。核可為經珠。似

永樂大

菩提子。或云須曾進入京師。被黜故以名。黃皮子如小棗。甘酸佳味。稍耐久。可致遠。匾挑。如天挑而匾。色正青。肉甘爛。如梨子。木瓜。栗子。宜

母子。枇杷子。石榴。蒲桃。核桃。雞頭子。菩提子。柿子。柑子。橘子。香圓子。橙子。金橘。李子。梅子。栢子。蓮子。楊梅。白苾。金苾。土瓜。宇齊。菱角。白藕。皆有之。

木威元一統志。邕州有橄欖子。諸郡有。惟邕州最佳。龍眼。宣化縣西鄉。武緣縣止戈樂昌兩鄉皆有。初生大樹株。歲春首秀花。夏結子。秋後成熟。

其肉稍麤。肉多者。可以曬乾。為乾圓眼。其味甜軟。宣化縣南寧志。石村所產紅橘。那龍沙洲所產荔枝。盧蓼村所產水

糖。蘇蓼村所產龍眼。平仔村所產烏欖。潭洛村所產標竹。張呖村所產苧麻。上東鄉所產扶竹。生薑。土藤。大小羅潭村平坡所產楓

槐。梓。練木。扶竹。藥物。何首烏。天門冬。石菖蒲。白芨。乾葛。桑白皮。鶴虱。史君子。麥門冬。山梔。曼陀羅花。槐角子。章

柳根。金毛狗脊。草決明。鷓不洩。香白芷。縮紗。茱萸。香附子。天南星。木鼈子。黑牽牛。蓬莪朮。紅豆。前胡。地榆。姜

黃。皂角。菓。人面子。黃皮子。琵琶子。羊屎子。牛乳子。羅旺子。羅蒙子。石粟子。木必子。五眼子。毛荔子。山龍眼。烏

永興大

欖。橄欖。芭蕉。龍眼。荔枝。蒲萄。羊桃。冬桃。甘蔗。榆柑。

香綠。栗。梨。棗。橙。橘。桃。柚。李。梅。菜。胡荻。同

蒿。苦蕒。蘿蔔。水蠟。苦蕒。芥。莧。葱。蒜。藟。韭。芋。

芹。瓜。瓠。薑。薯。木。松。苦棟。木綿。枕榔。秋楓。棠梨。

槐。栗。銀。楠。椿。楓。仙。樟。竹。品絲。高眼。思勞。節

管。馬蹄。筋。勒。篋。衮。浮。實。單。花。芙蓉。薔薇。舍

笑。木槿。朱槿。男貞。女貞。茉莉。菊。蓮。禽。秦吉了。鳥

鳳。班鳩。白鷗。鵲鴉。魚。青竹。唐澁。鮎。鰕。鱸。鰓。鰕。

鱔。獸。虎。豹。豺。熊。狸。獺。鹿。麋。猿。猴。麂。山

羊。已上並見南寧志。苦荳。元一統志生宣化縣大林中。歲春首發秀。李

月採摘葉苗蒸熟製磨成餠其味最奇俗傳邕乃南州盛暑炎熱又兼烟

瘴之地其荳草葉相合日食之如常以避炎暑稍壓瘴氣芋麻出宣化

縣思禮鄉民戶所植歲春孟秀季收之夏即重秀季再收之兩緝婦巧習

工織踈而可衣。

永樂大典

武緣縣南寧志土產與宣化縣同。烏鳳。建武志出武緣縣如喜鵲色紺碧
頸毛類雄雞鬃頭有冠尾垂二弱骨各長一尺四五寸其杪始有羽毛一

簇冠尾絕異。犬略如鳳鳴聲清。越如笙簫。能度曲妙。合宮商教之精熟者。至能終一種。又能為百蟲之音。左右溪洞中亦有之。極難得。亦難蓄。以生物飼之。秦吉了如鴝鵒。紺黑色。丹足黃距。目下連頂有深黃文。頂毛有縫。如人分髮。能人言。及咳嗽嘔吟。聞百禽吟。即效學。比鸚鵡尤惠。大抵鸚鵡聲如兒女。吉了則如丈夫。出溪洞中。唐書林邑出結遼鳥。林邑今占城。去州隔交趾。疑即吉了也。白樂天諷諫。又自有采吉了詩。已上並建武志。疎布元一統志。武緣縣鳳化永寧二鄉所產。

橫州南寧志穀 稻。粘。粳。糯。花。蓮。玳珠。海棠。芙蓉。

木槿。麻葱。果。龍眼。荔枝。蓮子。檄攬。李。梅。石榴。桃。

藥 香附子。香需。班猫。車前子。白芨。蛇床子。艾。菖蒲。

菜 芥。葱。茄。莧。苦蕒。葛苳。薑。茺蒿。笋。芹。冬瓜。

芋。蕨。竹。白。苦。苧。筋。釣絲。木。榕。楓。樟。松。

槐 楊柳。黃藤。禽。鷓鴣。啄木。鴉。伯勞。布谷。鷹。鶉鳩。

雀 獸。虎。狼。豺。豹。鹿。麋。獺。狐狸。猴。鼠。畜。

牛 猪。羊。雞。鶩。鴨。犬。猫。水篋。龜。鼈。鯉。鱖。鯢。鯖。

魚。鰕。鮎。蚌。蝦。螺。蛟。蟲。蟬。蜂。蟻。蝶。蜻。蜓。

永樂大典

螳螂。蛇。蜈蚣。飛蛾。螢。蝦蟆。蜘蛛。螟蛉。已上並南寧志。

土貢

本府九域志貢銀三十兩

武緣縣建武志椒針。牛魚。馬。猪羊。胡饗。犬。鷄。鶩。鵝。鴨。備。猫。閩。魏。鸚。歌。

俄治喜鵲必支山鵲。孔雀。鵠。鳩。探。龍。正呼。鼈。鶴。巨。虎。盧。麋。鹿。蝦。蟆。猴。

牟。蛇。水。鼠。花。麝。虛。可。牛。黃。吳。黃。白。礬。漆。浦。漆。山。德。雞。悻。母。毡。虛。裝。馬。鞍。

暮素騎馬。暮謝。下馬。暮何。解鞍。暮禍。牽馬。來。暮性。禮。開馬。口。暮舊。雅。馬。

飲水。暮偉。當。更。牽。馬。二。次。暮。吟。職。聖。馬。暮。吒。馬。老。暮。夢。馬。瘦。暮。豆。病。馬。

不要。暮。弩。罵。呂。眼。盲。麻。忌。翳。膜。麻。流。擺。腰。深。弩。拽。膀。溪。至。風。折。蹄。故。其。腦。

膝。烏。備。好。馬。算。印。暮。魏。控。甲。嫩。馬。暮。灑。騾。馬。暮。麼。馬。馬。嚮。頭。獲。盡。馬。

籠頭。又憂馬。憑。由。暮。吟。偉。啗。馬。益。暮。偉。挫。你。暮。即。去。踢。你。暮。即。助。啗。

馬。益。來。且。取。暮。富。挫。阿。賈。有。取。草。暮。有。起。馬。暮。慈。驃。馬。暮。雨。紫。驃。馬。暮。

兩。弩。烏。騾。暮。弩。驃。騾。馬。暮。你。質。白。暮。初。浦。驄。馬。暮。酒。煙。薰。駱。暮。初。弩。駱。馬。

一。歲。姑。二。歲。膩。枯。三。歲。桑。枯。四。歲。料。枯。五。歲。枯。六。歲。曲。枯。七。歲。

八。歲。赫。枯。九。歲。舉。枯。十。歲。助。枯。十一。歲。助。諱。枯。十二。歲。切。膩。枯。十三。歲。

永大典

大典

切桑枯十四歲。切利枯十五歲。切誤枯十六歲。切曲枯十七歲。切諱枯十八歲。切赫枯十九歲。切舉枯二十歲。切膩枯四尺一寸。利入打時二寸。市

時三寸。桑時四寸。利時五寸。設時六寸。曲時七寸。諱時八寸。赫時九寸。舉時一兩。哆沙二兩。膩沙三兩。桑沙四兩。利沙五兩。誤時六兩。曲沙七兩。諱

沙八兩。赫沙九兩。舉沙十兩。切沙金一兩。木哆沙金水。銀浦。據。鹽。綃。日印綾令。紫皂。里烏絲。暮孛生絲。青錦。皂綃。綃。豹。鹽一

蘿豹皮一番。打誤入折屋。造大眉。兜母你歇。且得。蠻器。蠻弩。諸溪。搯甚短似中。皆能弩箭削竹。藥箭化外。箭中者立死。藥以為

羽。不施鐵。其毒。蠻甲堆。各一大片。如龜殼項之。屬製如。內外悉未。地間黃。犀。器極工妙。又以。兜鑿疑猶博。介胄珠

雲南刀即大理所。黑沉。不鏽。南人最貴之。以象皮為鞘。朱之。上亦畫。犀毘花紋。一鞘兩室。各函一刀。大者如常刀。小者半之。鞘以皮條纏束。貴

永

人以金銀絲。洞刀。兩江州洞及諸外蠻。無不帶刀者。一鞘二刀。與雲南同。但以黑漆雜皮為鞘。不若大理之華。峒人始生家即稱鉄浸之水中。至

年十五取為刀。故其鉄精甚。卧起帶之。或以博易及贈遺。只送大刀。自留其小者。終身不捨。男女老幼皆佩之。云以防藥箭。急以刀剗去其肉。即不

死。諸峒刀。尤以洞州所作爲貴。斬牛以定價。真解五牛而芒。蠻鞍。西南諸蕃所作。木間之。亦有爲犀毗紋者。餘鞞轡皆朱漆之。不用韉。但空垂兩水鐙。鐙之狀。刻如小龕。藏足指。其中恐入榛棘傷足也。後鞞鞵。木爲大錢。疊數百枚。如中國騾驢鞞鞵坐。但皮包兩木板。婦人亦能騎。乃能偏坐。垂兩足。一邊馳驟如飛。蠻鞭。刻木節。節如竹根。朱黑間漆之。長纒四五寸。首有小鉄環。貫二皮條以策馬。聖節進奉銀二百五十兩。綃二百五十匹。折銀二百五十兩。郊祀大禮銀二百五十兩。元豐元年。安南國郡王李乾德受降之後。差東上閣門副使陶完。馴象五頭。裝象銅鐸。并鉄繚五副。十口。纏象象鉄鈎五柄。金廝羅一面。銀廝羅八面。爲謝。乾道九年。交聖王登極。詔廣西經略司。貢使來者什一其利。詔下經略司。買馴象十。以經略使李德遠。浩用故事。移文交趾。買明年春。經略使范邵。其貢期。寢近朝命。象若將至。寨下。若不許貢。皆引朝之爲市。遂以其狀原本鉄目原本鉄時一象可也。以一二精寧此伴。至開比及材已。以上正象爲進奉大禮。經餘象。齒犀角字如蠅頭。甚差。使者稱中衛大夫。其邦臣忠翊郎阮文獻。先是紹興二十年。知政事吳興施公帥桂。舊以其利。厨宴於其館。今悉罷之。使者謂衙我

永

大

厚今柰何悉罷去。節義之士。乃以書上。本路轉運使辨其事。其畧曰。切聞
儂智高未叛時。奪邕人地。而有人爲吏。不能禦。因不以告。皇祐三年。邕州
有司氣庭洪水橫溢。司戶孔宗旦。以爲兵象。策智高必叛。以其將陳拱。拱
不聽。宗旦言不已。拱怒。詆之曰。司莊耶。四年。智高出橫山路。人因其倉庫
而大振。而宗旦又告事急矣。以不戒拱。又不聽宗旦。拱以書告者七。口告
者至不可數。度拱終不能得意。即載其家走。桂曰。吾有官守。不得去。吾親
無爲同死也。既行之。在後。智高累叛。城中皆應之。宗旦猶力守南門。爲書
召隣兵欲拒之。城亡。智高得宗旦甚喜。欲用之。宗旦怒曰。賊汝合立死。吾
豈可汙耶。罵不絕口。智高度其不可誘。乃殺之。當其初。宗旦言不廢。則邕
之禍必不發。時吾有以待之。則必知事使獨有此一善。固不可不况其死
節。堂堂如是。而其未曰。於天下比見朝所寵南兵。伏節死難之人。宗旦獨
不與此。非所謂曲突徙薪無恩澤。焦頭爛額爲上客耶。使宗旦所無一言。
但賊而能死不去。固不可無賞。蓋先事以爲備全城而民者。宜責之陳拱。
非宗旦事也。今猥令興陳同戮。既遺其言。又負其節。遂使人諭之曰。經略
使司與安南都護府埒。經略使與南平王比肩。使者是都護府小官。纔與
桂林曹掾官比。法當廷參。不然不見也。使者屈伏。遂廷參。其歸至欲列拜。

永

大

使人掖之曰。光拜乃奏其事。且著于籍。以爲定制。紹熙元年。安南登極。三年。遣使副尹忠訓。寧武翼管押章表銀函一副。金廝羅二面。銀廝羅三面。象牙三十株。熟香一十籠。箋香二十籠。爲慶賀之禮。舊例郊禋與天朝廷。不時覃賜之物。寬衣一對。金帶二條。細香著一百足。金花銀器二百兩。衣著一百疋。金鍍銀鞍轡一副。馬二疋。慶元元年。朝廷以紹熙登極。及明堂恩例。連錫一綱。遣使臣押至欽州。是年十一月。交趾遣脩武郎尹仲宣。秉義郎朱傳霖。祇拜登極之命。仍乞敷奏。願親詣闕庭朝賀。次年正月。復遣使武義郎阮汝礪。中翊郎徐子允。祇拜明堂之恩。是日拜領勅書。四年正月。復遣忠訓郎尹國基。秉義郎劉汝梅。忠訓郎李秉彝。管押章表銀函一其金廝羅二面。重一百兩。銀廝羅三面。重一百五十兩。象牙二十株。重五百觔。熟香五百觔。箋香一千觔。以爲進謝之禮。邕州差機宜安允。中借通直郎權通判并服色充正使。左江提舉陳仲權。東南第十三正將充副使。就永平寨管伴交使。交方物至州。差監作院張子訢。管押赴經略司交納。別差官詣闕投進。

永

橫州九域志貢銀十兩。

橫州志貢銀三十兩。

永樂大典卷之八千五百七

永樂大典



永樂大典

永樂大典

卷之六

元統志

地骨皮散此藥全初
從地骨皮散初玉高
標題當夏子魚樹生十全加
條第百紅字於下不必寫

書

永樂大典

